

寶山縣志

地210.17

39

:5

寶山縣志卷之九

人物志

列傳 德義

循良 隱逸

孝友 藝術

忠節 游寓

文學 列女



古稱爵以馭貴祿以馭富爵祿顧不重乎哉然士君子生於其鄉立德其首尚矣其次立功立言亦足以垂不朽至若一行足取小道可觀亦有名流江湖寓跡豈無弱質綽楔邀榮采風者其可忽乎先列傳者位與德兼也次則循良孝友忠節文學武功德義隱逸藝術各據其實庶足傳信游寓後之列女又後之所以示別也述人物志

列傳

沈雷奮

弟文輝

王

彝

范

純

寶山縣志

卷九

列傳

章

黼

李

良

沈

炤

從弟灼

沈

陽從子紹

沈

人种

傅

遜

殷

都

嚴

貞度

須

之彥

錢

世楨

瞿

仲仁

須

淪

孫

元化

周

之謨

沈

宏正

婁

堅

王

道通

嚴

衍

馬

元調

黃

淳耀

弟淵耀

許

自俊

陸

時隆父禹定

孫

致彌

戴

鑑

張

雲章

李

實

子天植

朱

漸儀

奚

士本

李

維煌

印

光任

子憲曾

李

錫秦

秦

倬

張

宏緒

毛大瀛

李保泰

子鈞載

馮建功

元

沈雷奮字東原居大場父懷玉宋霍邱尉入元不仕雷奮至元間爲海漕千戶時都漕總管朱清張瑄所爲多不法朝命翰林承旨張伯韶司章奏實密偵之瀕行趙文敏孟頫謂之曰余戚沈千戶忠勇有幹略事可咨商比至詢以利弊得肯繁朝廷用其言公私便之大德辛丑張偕之還朝隨運船至山東界遇盜出奇計縛之獻俘闕下授爲武略將軍及清瑄伏誅上稔其忠欲大用之已前卒遂錄其弟文輝文輝字梅溪大德中以漕運功授忠翊校尉官金符千戶至大初謝事承父兄志創小學於里捐田千畝延師以教子弟有司上其

寶山縣志

卷九

列傳

二

事行中書省表曰義塾鄧文肅文原爲記郡學尊經閣圮董率建葺捐鈔成之至順中閩浙荐饑詔募義賑輸粟三千石錢十萬緡當除爲郎力辭中書以義士表之卒年八十二淮東道副使諸暨王良撰墓志

明

王彝字常宗其先蜀人父允中爲崑山學教授因著籍彝少孤讀書天台山中師事王煒得蘭溪金履祥之傳故學有端緒爲文并所自得一裁於法不逐時好維時楊維禎以文章雄視東南彝獨目爲文妖著論詆之洪武三年徵修元史史成賜金幣遣還又薦入翰林以母老乞歸後坐魏觀事論死彝本姓陳故自號媯蜚子

明長州高啟媯子歌媯子乃軒轅之裔虞鯨之孫
醕龐去己遠獨抱太璞存竊伏在草野冥心究皇墳蚤逢
三光五岳之氣乍分裂天狼下地舐血流渾渾鹿走秦中
原蛇鬪鄭國門俎豆棄草莽干戈歛崩奔媯子便欲東
遊波弱水沐髮滄海朝陽盆又欲西行沂河漢踰崑崙山
橫川阻兩地俱不可往兮歸來掩戶臥旦昏時黍一區注
醪一樽妻給井曰兒牧雞豚不詰曲以媚俗不偃蹇以凌
尊作爲古文辭言高氣醕溫手提數寸管欲發義理根上
探孔孟心下弔屈賈魂其質耀金石其芳吐蘭蓀叩虛答
肯出坐待眞成無痕陸珍雜水怪變狀弗可論幾年兀兀不
拔使者遠造廬鷄鳴起膏轄與纂金匱編尚書爲給札奸
魂泣幽塚下恐遭誅役書成一代進紫宸鸞旗羽衛夾陛
陳閣門導謁稱小臣麻衣不脫拜聖人捧函近前殿龍顏
喜回春救賚內帑之金與綺段其文織作銀麒麟蒙恩乞
還家以奉白髮親戴右弁垂長紳自號山澤之臞民媯
子幸際明良時無爲寂默坐老東海湄青邱有客鈍且癡
與爾欲結同襟期左鼓青瑟右吹鳴篴作歌共祝天子壽
五風十雨萬國赤子同熙熙

陳述字宗理居眞如宣德間以賢良薦授御史巡按江西歷

寶山縣志 卷九 列傳

浙江右參政移四川左參政會流賊剽掠官軍失利述至推
誠招降殲其巨魁餘皆釋歸復業已而德陽賊燒劫什邡安
縣移屯彰明述出奇兵撓之所獲資畜悉以充賞不旬日賊
平初蜀民不知力農述爲設法勸課數年間農桑徧野民用
饒裕撫臣累疏薦之述以年老致仕晉階二品蜀人爲立生
祠卒後崇祀鄉賢

范純字誠夫居羅店天順元年進士授南京兵部主事成化
初以刑部員外郎爲四川僉事分守川北所轄番部道險多
瘴前巡撫按給芻糧率移文勾當具故事純親歷殆徧會松
茂有警督運至威州蠻衆攻城甚急純招羗兵以計破之及
轉松潘兵備副使閣臣萬安子肆橫鄉里輒繩以法鎮守內

官承旨市鷹鵠所過州郡橫索路費千金純白止之弗聽遂
移疾歸同年彭韶巡撫江南素交厚絕不干謁嘗與同官某
會飲酒半某與伶狎純遠拂衣起厲聲曰風雅掃地矣其生
平剛正類此卒年六十二崇祀鄉賢

附自作練溪醉叟傳略醉叟蘇之嘉定人有舊宅一區在
練溪之上溪貫於邑城中以達於郡來自吳淞江江吞太
湖水以洩於海溪江之支流也四時澄潔如練故曰練溪
或曰澄江少壯時嘗取科第仕為臺官既倦得歸年高好
酒而量不甚寬與客飲輒醉獨酌亦醉愛賦詩弗規規於
古格調與至拈筆疾書妍醜不計遇醉則頹然就榻不復
作也因以練溪醉叟自命詞林騷社遂以為稱號不道其
姓氏贊曰屈子有言衆人皆醉我獨醒若叟者其衆人皆
醒而我獨醉者歟此屈子所以見放而怨對叟所
以得請而從容豈持志之有異抑亦遭時之不同
又上疏致仕寫懷鬚髮交白眼初昏知止名言已細論身
佩兵符蠻獠地夢回鄉國水雲村道無行止皆吾事禮有
初終總聖恩歸去不妨耕釣裏還將忠孝教兒孫兩鬢
風霜歲月侵年來何處話胸襟雲霄已得回車路巖壑猶

寶山縣志 卷九

列傳

四

存報國心間裏每思忙裏錯醒時渾忘醉時吟淵明膝上
琴堪弄最是無絃意思深家住東吳海上頭別來西蜀
幾經秋一琴一鶴欲歸去某邱思釣遊身世悠悠渾
若寄功名碌碌最宜休吳船准擬乘秋發萬里清江正穩
流一經登第際明時三十為官六十歸握手故人驚白
髮迎門稚子看耕衣寒松晚菊和詩老惡水蠻山入夢稀
却愛柳陰溪水好眠鷗近我釣魚磯官船載酒發南瀟
兩月長風吹到吳夢裏猶驚三峽浪醉中間玩百蠻圖年
光荏苒虛拋擲劍氣微茫似有無白髮蕭蕭塵境外茅亭花竹小蓬壺

章黼字道常居大場博洽多識年三十病足絕意進取考訂

六書訛謬潛心三十年集正體三萬餘字編韻學集成十三

卷直音七卷僉事吳瑞御史劉魁知縣吳哲為先後梓行

李良字堯臣居真如成化五年進士仕南京刑部郎治獄不

務鈞距而善窮人情諸曹疑牒輒移決焉出知瑞州府瑞俗

廣悍喜告訐繫獄多至千人良至窮治其尤釋連坐與亡驗

者獄以衰息民多逐末率遠賈不歸良教之務農始相次復業值歲大祲爲長短補貸法全活甚衆以憂歸卒子憲上林院署丞孫亨興甯縣主簿

沈炤字文明居高橋孝子輔孫宏治十五年進士授行人正德初擢刑科給事中時閹人劉瑾擅政欲誣潼關守將姚諫重辟炤奉詔往與御史杜宏及知府郭任會勘二人畏瑾未敢決炤乃手攬獄詞拍案起曰吾終不能殺人以媚人明日宏悟呼酒酌地曰願從公死獄上瑾大怒趣縛諫詣闕殺之下炤於獄杖幾死謫福建照磨未行丁父憂復逮至京謫戍甯夏瑾誅起桐廬主簿累遷至廣東按察司僉事仍以剛直免歸卒年六十八祀忠孝祠從弟灼字文燦正德三年進士

寶山縣志

卷九

列傳

五

授行人擢廣西道監察御史清軍江浙巡按福建江西皆著風裁宸濠圖不軌上疏首發其奸嘉靖初疏陳四漸一經筵輟講一詰責言官一數逮有司一偏信內侍且曰朝廷刑獄內付刑部都察院外付巡按按察司錦衣官校不宜輕遣指陳切實世宗爲動容以議興獻大禮不合與同臺句容曹鏊崑山方鳳同日乞休郡守胡纘宗鑄三高士姓名於虎邱石壁崇祀鄉賢

沈陽字復卿炤灼從子嘉靖二十九年進士知沙縣事綜核精明入爲御史上帝學八章奉命清理畿內莊田奪勲戚宦官隱沒者一千九百餘頃復上牧政十事巡按四川忤權相謫判裕州量移南康司理歷撫州同知廣信知府隆慶初以

卓異內召移疾歸入沙縣廣信名宦祠又崇祀忠孝祠從子
紹禧字廷和萬曆二十五年舉人爲蒙城教諭遷國子監學
錄禮部司務改吏部時趙南星爲尙書稱其清慎擢武庫司
員外郎庫事有與內廷惜薪司相關者魏瑞欲於惜薪常額
外加派三萬金紹禧曰帑藏如洗必不能加卒奪其議嘗奉
命至杭西湖方建璫祠浙藩邀遊湖上謝不往織造太監李
實來謁亦不見旋以疾歸

沈人种字時雍居大場嘉靖三十八年進士初知德清有政
聲入爲吏部主事出歷浙江副使存歷山西雲南廣東福建
布政使再入爲光祿太常卿又以副都御史出撫福建以精
勤嚴核爲治所至以惠愛稱嘗榜於廳事曰吏不畏吾威而

寶山縣志

卷九

列傳

六

畏吾之廉民不愛吾寬而愛吾之嚴設施可概見矣先是備
兵關東西嘗攝諸司事至佩七綬邊塞憚其名不敢犯在浙
時溫處盜起不在部界輒遣丞率兵往盜出不意一時駭散
以疾歸卒

傅遜字元凱居江東萬曆三年貢生由噸縣訓導歷建昌教
諭遷周藩長史少好讀書至老不倦善論古今成敗師事歸
有光持論常屈其師倭寇圍崑山請縋城出詣軍府告急竟
得解圍尤好左氏春秋參互考訂以正杜氏之訛有春秋左
傳屬事本末行世

殷都字無美居大場工詞賦有盛名萬曆十一年進士授知
彝陵州州當楚蜀孔道懸崖峭壁徑纔容足行者心悸都鑿

山爲道九千丈悉成坦途蜀鹽例不得入楚販者常以風雨夜操小艇出峽稍不戒人船俱沒都謂步擔易米律所不禁皆縱舍之遂無肩險者課最擢兵部職方員外遷郎中時火落赤起釁西陲借撻力克爲聲援都謂二寇不相爲用不當急之使合執政深然之果次第解去已會獵黃鵠口邊人驟言寇至尙書石星欲發兵登陴都言彼必不爲寇不宜輕動以損觀聽已而謀至果獵也星內慚諷言官劾之罷歸貧甚館粥至不給卒年七十二崇祀鄉賢又有功折漕祀報功祠王錫爵撰墓表唐時升撰志銘

嚴貞度原名佩環字茂肅居嚴家角獨學無師而所爲文自出儕輩萬曆十一年進士知東陽縣旋擢刑部員外晉職方

寶山縣志

卷九

列傳

七

郎中會遼東總兵馬林爲太監高淮誣劾謫戍貞度與同官力持之神宗怒以阻撓礦稅斥爲民初貞度受知大學士沈一貫在部曹時朝士欲因以先容峻拒之及歸僦屋以居貧不能自給歿無以殮天啟元年贈尙寶司丞賜祭葬

須之彥字君美居廣福諶子萬曆二十六年進士歷官浦江桐鄉多善政俱祀名宦及爲儀部時神宗倦勤皇太子久輟講皇長孫年十六尙稽冊立之彥累疏請並條議藩例參劾豪宗光宗立以遺命欲尊鄭貴妃爲皇太后侍郎孫如游袖中出令旨之彥持不可立索筆草疏疏上得寢遷光祿丞陞尙寶司少卿魏闡擅政削籍崇禎初詔復原官致仕侯峒曾撰墓志銘

錢世楨字士孫春沂子善騎射技勇絕人中萬曆十七年武進士選蘇州衛鎮撫練兵吳江遷浙江總運時朝鮮被倭擾求援發兵東征經略宋應昌疏加游擊隸前鋒世楨率輕騎倍道疾馳渡鴨綠江抵肅寧至平壤都督李如松約先登者賞萬金酬世襲指揮世楨以七百騎過箕子墓喜曰此地多草木敵不知設伏邀我無能爲也次日薄城下與家丁數人躍而登遂克平壤北過大同江斬倭驍將旣而如松盡沒其前後功踰年僅授薊鎮參將會與餉司議不合棄官歸後復調金山常鎮天津終以尙氣徑直旋起旋躓卒於家

瞿仲仁字德夫居高橋萬曆初邑爲兌運所困富民主租稅出入者恆破家仲仁以布衣倡大義率其屬數人走都中請寶山縣志

卷九

列傳

八

改本兌爲折色會同邑摺紳主持其議竟得俞旨永著爲令性尤慷慨遇歲荒飢者給粟死者給槨郡縣屢表其廬舉鄉飲謝却之卒年七十九

須淪字伯通居廣福萬曆二十一年邑令王福徵議籲請永折令原呈瞿仲仁子謙至京會謙病舉徐行須淪等資以行先謁邑紳李先芳遂疏於通政司通政司有難色淪與本邑人聽事椽黃世能具言折完便民之理戶部覆奏依議時有責令苞苴者淪出百金以償先芳輪日署批到部卽發本處撫按舉行將原呈人瞿仲仁吳應麟原奏人徐行須淪會同會勘係及時完納起解撫按咨科部覆奏遂得永折

孫元化字初陽居高橋繼統子萬曆四十年以國子監生舉

北闈鄉試好奇略師事上海徐光啟得西學術精火器天啟二年計偕入都上書言邊事吏科候震陽薦其才從軍遼左閣部孫承宗奏授兵部司務旋陞職方主事贊畫袁崇煥軍務事竣還朝魏闡諷其附己當大用元化正色拒之遂矯旨奪職崇禎初起武選員外遷職方郎尋出爲甯前兵備道時燕薊東西告警元化善用關東將卒所向克捷以功擢都察院僉都御史巡撫登萊會大凌河告急部檄元化發兵往援部將孔有德兵至吳橋爲縣令畢自寅激亂反攻登州朝廷以事由激變責令招撫旨爲御史王道純所匿不卽頒城遂陷首輔溫體仁論元化辟臨刑風雷大作黃靈蔽日內閣徐光啟謂體仁曰此足鳴登撫冤矣子和鼎和斗見隱逸傳和

寶山縣志

卷九

列傳

九

京見孝友傳

周之謨字公顯居大場遷嘉定萬曆四十一年進士授開州知州州民苦買馬每一匹價十兩官扣其四軍衛復多橫索之謨躬自給價而所進馬毛齒尺寸無不如令俗禱雨鞭旱魃至有斃孕婦碎屍骸者又多同姓爲婚皆力禁之考最擢職方員外郎旋以疾卒祀鄉賢

沈宏正字公路諸生居江東遷嘉定居母喪三年不御酒肉天啟初詔求巖穴之材大臣疏薦不應爲園十畝有水石之勝座客常滿性喜聚書所藏多善本晚以病杜門謝客殫心著述卒年五十婁堅撰行狀董文敏其昌志墓

婁堅字子柔原籍長洲由江東徙嘉城年五十貢於春官經

明行修擅詩古文辭其師友皆出歸有光之門傳其學以教授後生鍼砭俗學具有條理書法大蘇與唐時升程嘉燧爲練川三老卒年七十八祀鄉賢

王道通字晉卿諸生居羅店負經濟才不欲以文章名而文極古茂師沈賓喪衷服三年入其室不敢正坐居親喪邑令謝三賓往訪辭固請乃不易服見卒年八十餘嚴衍志墓

嚴衍字永思諸生父景陵字伯阜勤學好古工舉子業早卒尙書徐學謨稱爲今之顏子門人私謚爲文靖衍精史學以司馬氏通鑑中多疏漏補輯五百卷閱三十年而成詩文渾灑有蘇氏風書法褚米作擘窠字更奇偉爲人孝友篤誠鄉里羣尊爲師卒年七十一祀鄉賢子恆字久持亦工書能詩

寶山縣志

卷九

列傳

十

爲人質樸足不踰里閭而深知天下形勢常畫地輿於尺幅中山川城郭瞭如指掌

馬元調字巽甫居馬墳橋後遷嘉定五歲時聞張應武邱集論說輒於聽不移足已受學於婁堅洞悉經史源流凡古今典制名物靡不淹貫每閱一書必購別本校勘點畫訛誤一改正學者稱簡堂先生後與侯峒曾黃淳耀守嘉定城破遇兵死年七十八祀忠義祠子舒見隱逸傳

黃淳耀初名金耀字蘊生世能孫父家柱字完初讀書砥行以孝友聞淳耀敏而好學年十七爲諸生制舉業穿穴經史試輒冠軍崇禎十五年舉於鄉十六年成進士出周文節鳳翔門當試禮部時要人示意欲薦爲榜首峻却之旣釋褐寄

弟淵耀書曰吾延試傳臚時見鼎甲先上皆嘖嘖稱羨然天地間自有數千年數百年一人者今人必不肯為而必欲為三年之一人何也觀此可以知其自命矣性純孝家居無私財所得廩餼輒歸之親丁內艱毀瘠骨立自弱冠至登第後不苟取一錢友人之戚以官事株連屬白免之以五十金為壽友人懷以餽及覲面不敢出潛置書笥中越日忽檢出大駭急還之其介操類此乙酉七月 大兵南下與通政侯峒曾倡義守城越十餘日城破同弟淵耀縊於西城僧舍神氣閒暇如平時年四十一學者稱貞文先生淵耀字偉恭諸生師事其兄得悉緒論亦以品節自勵與兄就縊時見兄憤墜地拾而冠之年二十二兩人口血濺壁間歷久不滅長洲沈

寶山縣志

卷九

列傳

十一

德潛題其處曰畱碧 國朝康熙癸未奉 勅建祠乾隆朝

通謚忠節明史列儒林傳太倉陳瑚撰墓表

邑人申艇弔黃陶菴谷簾兄弟詩誓守孤城力不支驚看鐵騎繞隍池從容一死攜同氣慷慨畱題報所知素絹漫

云無墨垢大圭始信少暇疵此心

俞慈成詩首陽不信看君絕命詞

義伸但期心不負敢謂事難混江左多遺老端居痛此身

俞嘉客詩氣塞乾坤內魂畱練水城常時如不死今日豈

猶生難弟能同志孤兒忍割情讀書懷占者應識兩公名

李更詩殺運鍾瀕海清流挺正人文章開闢手聲氣廟廊

珍刻燭詩無敵臨池筆有神凌雲紙價貴承寵錦袍新耆

碩虛前席英髦拜後塵羣黎塗炭日國步戰爭辰傳檄瘡

懸梁整角巾小民皆慕義難弟亦成仁肯負蒼

國朝

王貞詩大節素能講臨危豈愛身生難扶國事死可勵人倫殘血侵牆壁遺言泣鬼神孤城知不守高帝有遺臣

許自俊字子位吳淞軍籍大達子記誦賅博詩文絢爛事父
孝構遲日草堂爲父招老友時尋壺觴花卉之樂康熙九年
成進士闈中得其文以爲年少高才及折卷年已七十矣又
九年舉博學宏詞旋授山西聞喜知縣分校鄉試未幾乞歸
士民攀留不得爲建生祠崇祀名宦卒年八十四

附去官雷別邑人詩庭樹蕭蕭掛夕陽邯鄲路已熟黃梁
匡公跨鹿攜芳草李老騎牛囊藥囊滿眼蒼生潸淚石何
心紫綬逐霞觴白駒出谷

苗難繫兩袖清風紙一張
蔚州魏象樞送許子位辭官當年嘉定今聞喜共是循良
傳裏人名世文章天下重救時經術宰官身天雷吉士肩
吾道我爲皇家愛老臣兩袖清
風歸去矣平生剩得一安貧

陸時隆字道協諸生居江東父禹定字吉甫有義行明季感
憤時事將以布衣獻策闕下尋嘔血亡門人謚以元憲時隆

寶山縣志

卷九

列傳

七

年十三母鄭訓之成立克承家學淹貫經史尤留心經濟凡
農政水利兵法有關國體民生者皆手錄成帙崇禎末時畫
沙聚米曰天下未平如有用我其可無備耶又慨民生凋敝
曰我縱不練五千人提偏師搗賊穴亦當爲都水庸田使使
青齊遼海所在墾荒用寬東南民力以文章好奇屢不得志
國初吳門故友復興社事時隆寓書吳江吳兆騫諄諄以
流弊爲戒已而見文昌入貫索怒然憂之未幾科場獄起奏
銷令行自是終年閉關蕭然高寄嘗謂經濟之道有三十年
而後成者一曰復古校以養人材有三年而後奏效者二曰
嚴考課以清仕途本鄉俗以平賦役有旦夕不可遲者四曰
停預徵以培國脈表忠節以勵臣工汰胥吏以絕蠹弊撤海

禁以通貨財皆切中時弊卒不獲用潛居小園躬自灌畦歲入江灘田四十畝半以購書鶉衣藿食晏如也有友託五百金避亂卒完其金還之自號郭亭蓋慕郭林宗之能知人好獎士類云

孫致彌原名颺字愷似元化孫和斗子家貧好學尤長於詩康熙十七年遊都門和御製詩四十韻稱旨遂以

國子監生假二品服爲朝鮮副使購藏書是年中順天鄉試與修幸魯盛典二十七年成進士選庶吉士以蠲漕議

獄幾不免閱十年盛典告成得復職四十一年典試山西授編修尋充佩文韻府總裁歷官至翰林院侍讀學士其

纂修勤且久考核詳慎書垂成而卒年六十八賜金以殮寶山縣志卷九列傳三

敕內務府護喪歸里祀報功祠

戴鑑字冰揆亮子國學生康熙初浙閩用兵客總督李之芳幕中二十七年嘉邑令聞在上籲請地丁一例蠲免鑑與張疑社實主其議未幾禍起巡撫鄭承要津旨欲羅織王霖悅孫致彌等罪遂重讞鑑等四十一人鑑謂致彌等貽書當事誼深桑梓有功無過若援引不辜以入人罪鑑終抵死不承士可殺而不可辱毋用雷霆爲也旋拜疏題參并連禮部侍郎王封滢戶部尙書王鴻緒皆落職迨上諭盡行釋免鑑亦放歸子范祁范雲皆能詩有二難集范雲字機又布衣性嗜書張鵬翀張雲章皆與之遊晚年僑居嘉定張雲章字漢瞻居真如宅傍多樸樹故又號樸村母李氏夢

大星墮懷而孕父版素好史記及韓柳歐蘇文日授一篇口
爲講解稍長受業上海朱瀚遂能文入太學祭酒王文簡士
禎首獎其古文詞汪琬亦云浩浩瀚瀚氣如江海之流又師
事陸清獻隴其精性命之學興化李枏延至家補輯其先人
映碧所增註南北史閱七載始成康熙五十一年吏部侍郎
湯右曾以孝廉方正薦於朝徵入都與修尙書彙纂書成當
得知縣不謁選張清恪伯行總督倉場延主潞河書院二年
歸性孝友居父喪幾至失明奉母垂四十年老而孺慕教弟
俾各成立卒年七十九門人私謚之曰端文祀鄉賢子揆方
字道營幼承家學與同里張觀光張錫爵崑山朱厚章結詩
文社中康熙五十二年順天舉人授直隸任邱縣知縣以耳
疾歸閉戶數十年所著甚富

寶山縣志

卷九

列傳

古

朱漸儀字羽吉祖邦治孝友積學黃濱耀爲立傳父廷琦任
俠好施遇事不避嫌怨時同里鹽商某富而橫素與有隙及
廷琦爲杭州批驗所大使屢思申傷之未幾酒間生釁毆之
死漸儀訟於官某以賂免歷三十年獄不決然瘕死者已三
人矣當湖陸清獻隴其蒞嘉漸儀又控隴其洞悉其寃而舊
案已結不得平反康熙癸亥母葉氏卒漸儀杜門守制哀毀
骨立將父骸合葬命鍼工削髮投之壙以代身殉自是滅性
毀形衣麻茹素往吳門葑溪報本庵以僧鶴洲爲師改名明
戒專修苦行其復仇之心無片刻釋己巳癸未間會遇南
巡冒死登聞以扈禁森嚴不得達兩江總督于清端成龍巡

撫江蘇時漸儀將寃錄呈控亦以格於成議不得雪旋痛哭

死年八十六乾隆三年 詔旌孝

附自作血淚詩誰憐不共戴天仇隱忍偷生四十秋白骨

成灰魂未化黃金獄恨難酬 聖朝誅殛從寬宥草野

呼號敢怨尤萬死莫償恩

萬一祇憑血淚灑松楸

同邑吳康侯孝義歌朱家俠骨古來傳長虹吐氣橫青天

西走秦關北抵燕結交壯士多豪賢荆卿漸離皆比肩舞

陽小子等雲煙父仇不共敢自全漆身吞炭鬢正氣一

古何人前後先要離七首鄂公鞭懷中霜刃寒鋒銛正氣一

往目無前後先要離七首鄂公鞭懷中霜刃寒鋒銛正氣一

履穿爰書獄成告九泉復仇義炳春夜不眠銀鑷酒衣踵

斷猿日落愁雲邊 漣依依蓼莪我廬墓田寒食春風叫杜鵑

墓門風雨哭年年 白晝羣虎嗥林木震脫江之臯啖人不

全晦刺虎行咄哉血何貪饕餮易聞者逃老翁履虎之尾

悲號誓死報父身 鴻毛左持縛虎三尺維右捉刺虎千金

寶山縣志

卷九

五

刀深入虎穴莫可撓殺而薦之如牲牢尚餘醜類仍咆哮

十年飲血心切亂髮垂耳不可搔面目黧黑手足勞安

不得壯士殄若曹析爾之骸焚爾膏掃空凶孽除腥臊行路

風起樂且敖嗚呼翁子毋憂熬我歌一曲補雅騷遠沛悲

怒壽彌贈詩我從東臯遊坐有良經客短髮卷若薑薑面

瘠如脂顛頰甚漆身佯傳翼自書劍人肝劇於東陵跼吁

噴却憶十年直遭毒螫有史恣豁擊鬻獄余下百孝子好還

望孝子仗直遭毒螫有史恣豁擊鬻獄余下百孝子好還

流血呼天守肺石可憐覆盆冤至竟無由白皇天自好還

豈久助凶逆豪僧俄水縮墨史香鬼責天憲雖未伸差足

慰冤魄豈知孝子心痛憤終莫釋忍忘越人仇誓踐齊襄

跡十載齒不矧中符胸屢指父讐苟未報天地皆踟躕得

擊義周禮調人職弗與共戴天煌煌垂典籍如何天壤內

秋義人罕識幾事蒙面仇孰獻怨家骸精誠有如何子能

此義人罕識幾事蒙面仇孰獻怨家骸精誠有如何子能

鬼神亟勉旃事薪膽會見羣醜獲雖無荆聶才助子吭共

聊以激巾幗 歌

李維煌字裕光居江灣年十四父巖士病劇即徹夜服侍呼

天泣禱父卒哀毀欲絕三年不離柩側母詹氏故多疾維煌入侍湯藥出持門戶纖悉不遺母又患喉證夢神鍼治之而愈咸稱孝感弟維烜出繼厚分已產與之遇潮災歲歉減食以周戚鄰及患喘不起屬其子圻孝事祖母而歿錢塘袁枚長洲彭啟豐皆爲作傳乾隆二十年題請建坊

管一清李孝子哀辭 聖代崇仁孝東南第一人十齡悲父病畢世戀慈親死後黃泉淚生前白髮身遺言示兒輩家祭重沾巾

奚士本字秀林居羅店七齡喪父擗踊哭泣如成人年踰三十始娶婦沈氏事姑能盡禮嘗奉母之上海就醫歸渡黃歇浦中流風浪作母子俱溺士本抱母泣曰幸全吾母俄足下有物負行竟達北岸以出母嘗感寒疾已亦病每夜焚香額

寶山縣志 卷九

列傳

共

天願滅已算以益母壽歷一載病未瘥聞人言武康銅井山有異僧療疾如神卽徒步往求得藥歸母病立愈兄弟四人相友愛弟殤而孤姪貧悉以遺產讓之母卒士本年近六十哀痛盡禮邑令胡仁濟給匾曰仁孝可風後以母節呈請旌表仁濟謂母節當旌子孝亦不可沒復以節孝一門匾獎之乾隆十七年題請建坊子緝營字聖輝幼入塾師講論語至父母之年不可不知輒簌簌淚下師大奇之曰非是父不生是子成童時母遭疾醫云難治潛割臂肉以進母果瘳授室後母病革夜偕其妻向北斗稽顙乞減算以代母旣歿常宿父所兩弟早亡撫遺孤如己子女兄嫁某氏赤貧同堂妹嫁某氏早寡皆分宅居之而婚嫁其子女人稱其克承父志云

李實字玉如居胡家莊嘗割股療親疾好古力學修行不怠知縣陸清獻隴其試童子閱其文曰是必潛心理學者拔置第一補諸生後得其指授益務實學爲入室弟子及隴其罷歸實時過從所贊證皆天人性命之學於宋儒書皆殫精搜討晰其源流洞然有旨解隴其有道南之譽卒年四十八張雲章撰墓志長子天樞子深源廩膳生克紹父志次子錫秦自有傳

印光任字黼昌廩膳生居胡巷橋雍正五年 詔舉孝友端方總督尹繼善薦之發廣東以知縣用補廣甯調高要再調東莞所至捕盜殺虎去害民者修學校設書院拔其俊秀新興民誣其仇謀逆鞠實釋繫係者四百餘人其時澳門添設

寶山縣志

卷九

列傳

七

同知令其駐劄後以事落職引見仍發廣東尋補南澳同知陞廣西慶遠知府調太平皆有善政以鹽引不銷被議歸卒年六十八嗣子憲曾字昭服乾隆十五年順天舉人明年成進士分發廣東補翁源以能吏稱內擢吏部主事三遷至吏科給事中京察一等授浙江甯紹台兵備道蒞任八年督視海塘監理關稅吏民奉條教不嚴而治大計卓異以年逾七十引疾歸卒桐城姚鼐撰墓表

李錫秦字瞻仲雍正二年舉人以與修圖書集成選廣西羅城知縣七年遷全州知州八年調鬱林州州多荒土設勸墾之法熟田三萬六千餘畝又鑿藤蘆坡石穴引泉以資灌溉土人建瑞泉祠

御書惠潤田功額賜焉旋擢太平知府乾隆四年轉右江道
五年宜山縣土蠻不靖義甯逆苗吳金銀亦跳梁總督馬爾
泰調漢土兵分路進剿錫秦偕遊擊楊剛由中路進乘夜攀
崖抵邛索焚賊巢遂攻白土賊奔後山追索於懸崖峭壁間
擒覃奉恩藍明友磔之監義甯軍討吳金銀猝遇賊與楊剛
分擊之乘勝燬平壩夾江諸寨生擒金銀之黨吳老四次日
復燬石灰窰賊巢進屯平鄧其地連湖南傳素古孟諸寨而
中隔盤胖諸徭錫秦張疑兵由間道襲賊賊走入楚疆乃會
期夾攻楚兵攻傳素粵兵攻古孟大破之獲金銀於象州諸
寨悉平明年餘孽石金元又勾結黔苗爲叛奉命馳往懷
遠與黔兵同討首惡就擒署按察使以太平鎮安二府山多
寶山縣志

卷九

列傳

六

於田歲收常歉請於積儲多處撥米八萬石分貯以備緩急
巡撫楊錫紱以

聞從之十一年參奏巡撫託庸居官偏刻

上密諭總督策楞察之尋託庸以參劾布政使層綏祖失實
褫職布政使鄂昌署巡撫錫秦遷布政使十一年九月以廣
西地處上游仿江南龍骨水車繪圖製造以給桂林及外府俾
民習用之遂鮮旱患又以南甯太平鎮安三府悉遷二千餘
里逼近安南議封禁關隘惟許商旅出入遠近肅然十七年
授巡撫其謝摺畧云廣西逼近安南苗匪新舊處靖邊之道惟
在嚴內地之法令而示外藩以易從治苗之法惟使安無事
之耕耘而不強以素性所不習又議土州縣內有未設流官

者相度形勢斟酌繁簡改歸流官兼管自此各土司均收控
制之益修南甯府護城石隄十九年五月奏義甯縣屬安鑑
里田畝屢被水災請疏老河並於決口處堅築堰埧使水流
通報

聞因著義甯紀畧見藝文撫粵二年以積勞卒

秦倬字天采居嘉城雍正元年舉孝廉方正辭不就乾隆十
三年成進士選雲南江川縣畱心民事以水利最關緊要上
陳疏濬之法設保甲地方賴以靜謐訓士子諄諄以經史為
本以不善事上官中計典比去任同官鳩銀為助乃得歸又
六年卒年七十餘青浦王昶撰傳

水利略云水利民生最關緊要縣轄如西山海西二鄉及
上下雙龍普妙等鄉地勢低窪時慮衝決令農民隨時修

寶山縣志 卷九

列傳

九

堵以備蓄洩近城田畝惟賴東西二河而河高田低易於
冲壓前經設立壩頭巡查於農隙時督夫修理加厚培固
再有星雲湖周圍八十餘里滙縣屬諸水入河陽縣之撫
仙湖與縣屬榮富西山海西古泉等鄉皆有小泉用則引
水入田與縣屬榮富西山海西古泉等鄉皆有小泉用則引
爭水飭委典史逐鄉巡查督令上滿下流務使均勻灌漑
夏秋霖雨過多山水冲發恐有泥沙壅塞督率民夫隨時
疏濬議保甲略云保甲之法在在可行要惟因其土俗庶
幾簡便易從是以諭令鄉保將各村人戶男婦丁口作何
生業并同居親屬所報姓名按門冊編為一甲另給戶各
給門牌一面即照所報姓名稽查出入遇事分別懲勸甲內
牌其甲長按月輪常平時稽查出入遇事分別懲勸甲內
之寡婦廢疾免充甲長時稽查出入遇事分別懲勸甲內
隱仍於因公下鄉之便畱心訪察務使奸宄難容地方
謐門牌紙張由官經辦以省擾累其訓士子云讀書之法
經為主史為副學庸論孟童而習之此則先之禮以五
其次如左傳之淹博公穀之精微儀禮之謹嚴周禮之廣
大爾雅之辨析毫芒大至無外而細入無間此十三經者
關其一即如前漢書後漢書此三史者亦闕一不可讀本紀
先史記次前漢書後漢書此三史者亦闕一不可讀本紀
可知一代興亡盛衰之由讀年表公私闕一不可讀本紀
功之自讀列傳可知人臣邪正公私闕一不可讀本紀

得失讀忠孝節義隱逸儒林文學方伎等傳可以知各成其德各精其業以各造其極而得其或顯當時或以後世之故讀匈奴大宛南夷西域諸傳可以知安內攘外柔遠綏邊恩威各得之用讀天官歷律五行諸書可以觀天而並可知天人相感之原讀河渠地理溝洫郡國諸書可以察地而並可知險要防守之機讀禮樂郊祀儀衛輿服等志可以知典禮掌故之因革而有所參訂讀藝文經籍等讀平準食貨諸書可以知出入取予制節謹度之大有稽有所規鑒讀刑罰等志可以知懲惡勸善討罪立功經權常變之大法而有所折衷此讀史之大要也且善讀史者不難以史視史凡詔誥奏疏檄論策之屬皆文之祖也此外如國語國策離騷文選老莊荀列管韓以及漢唐宋元之文集與三國志晉書以下諸史擇其尤精粹者讀之餘則分日記看參錯互讀反求其本必出言為經術之言行事為經濟之事夫而後可以為國家得人矣

張宏緒字思敘居楊行雍正十年順天副貢肄業國子監祭酒孫奇其才保舉簡發福建以鹽大使用歷署仙游浦城崇安等縣及永春州實授長泰所至有惠政有古循吏風其在

寶山縣志 卷九

列傳

辛

浦城也創修邑志多所釐正署崇安時清田賦積弊請蠲銀米照數勻算核減以杜弊混常恐一人之意見不能徧洽輿情廣為諮詢輔所不逮乾隆九年卒長泰任宦橐蕭然士民飲助始得歸葬祀長泰四賢祠詳福建省志名宦傳

毛大瀛原名思正字又萇諸生博洽羣書工詩善書屢應南北試不第家貧落拓偕同里許燦遊京師代給事中印憲曾旅邸以詩相唱和名噪都下由四庫館謄錄就職州同入湖廣總督畢沅幕值教匪滋事贊畫軍務歷任至四川簡州知州賞花翎嘉慶五年三月賊偷渡嘉陵江大瀛帶勇奮擊失援遇害年六十六從者多力戰死僕王誠死尤烈賜卹祭葬昭忠祠子際盛見文學傳孫嶽生龔雲騎尉

李傑泰字景三居胡莊家貧力學甫冠補諸生乾隆三十五年舉於鄉四十五年成進士例授知縣改官揚州府教授以古文提唱大江南北英俊多出其門遷國子監博士旋乞歸僑居崑山卒年七十二弟心素字且南諸生文行卓然子鈞載原名鈞泰字惇永少時習門緒論所作古文辭簡雅合度由舉人官常熟教諭

馮建功字亮揆文表弟居邑城受學於兄由行伍官吳淞營把總拔陞千總 純廟南巡迎 駕派帶船隻在金山江面排圍及防護海口先後凡四次疊邀 賞賚復以督運米石赴閩及拏獲盜犯阿達潘飛等歷陞京口營游擊鎮海營參將訓練有法所在得軍士心嘉慶二年隨黃巖鎮總兵岳在

寶山縣志

卷九

列傳

三

大陳山獲盜蔡量林阿春等及通盜銷贓之詹開泰等四十餘名擢臺灣水師副將陞金門鎮總兵因病回籍六年引見補廣東碣石鎮總兵時永安會匪猖獗督兵往剿前後獲方振思劉亞鳳等餘黨以次盡平會與總督議不合降調安徽副將署壽春鎮總兵致仕歸卒

循良

嚴 倣

嚴 珍父懋

金文徵從兄

鄭濟川

龐 鑿

沈 璧父壽

甘元雋

高 鏊

沈 煉弟炬

湯 珍孫聘尹

李 重

殷貳卿

錢春沂

陳其詩

黃世能

孫耀祖

徐嘉言父大觀

陳舜道沈紹伊

唐景亮弟景南

傅冲之

宗正傳

顧其國

申芝芳

項思尹兄思臣

瞿士睿

陸嘉賓子大仲

施麟瑞曾孫學澍

申毓來

侯博山

金 彰

寶山縣志 卷九

循良

三

倪士鈐子李洵

黃正儒

劉 幹子簡孫

鍾文標

張金惠

陸芳槐父汝寬

凌存醅

施 灝

張仲芳

陳汝秋子威孫

李雲棟

陸 豫

朱其昂

元

嚴倣黃姚里人以曲出公薦官從事郎出為平江副提舉轉常州路錄事以清介能敏稱尋除興國路通山縣尹治績為一郡最晚年歸隱自號存耕叟子恭見隱逸傳

嚴珍字彥博居黃姚里父懋忠翊校尉慶元路同知奉化州事珍性孝友侗儻有大志交結四方知名士及壯遊京師詣

三公府上書論事當軸奇之辟爲掾吏參贊帷幄以才敏稱
又奉檄覈田水滂得其實請蠲賦民賴以全丁父憂歸以母
瞿氏老不復有仕進意有薦之者珍堅却之尋卒年五十七
明

金文徵字德儒居黃白涇後遷嘉定工古文詞洪武初辟爲
本縣訓導三年鄉薦第二敕免會試授鄆州同知有循良譽
遷國子學錄卒祀鄉賢祠從兄珉字德進元季訓導長洲洪
武初爲國子助教亦有文名

鄭濟川居月浦洪武三十年以懷才抱德薦和御製思得賢
人詩稱旨擢廣東道監察御史改北平布政司都事永樂初
引見賜冠帶致仕七年起署滁州事九年赴京仍致仕歸

寶山縣志

卷九

循良

三

龐鑿本姓沈字伯玉居大場成化八年進士除刑部主事歷
官河南按察司僉事居官清慎與當事不合遂乞休與里中
耆舊十四人爲清樂會並繪圖徵詩論者比之香山九老云
沈璧字維拱父壽宏治八年舉人璧正德二年舉人父子相
繼以易學稱四試禮部不第乃就教諭得江西鄱陽旋以母
喪歸服除選南豐久之陞知建安縣時值大饑布政使檄州
縣市糴轉輸璧曰民旦暮死必得米如索枯魚之肆也第解
銀米商隨之矣已而果然御史行縣十里外停舟拷掠人索
獄具不得怒璧抗言曰至治所不得則令罪也奈何責之中
途且此非拷訊地御史愧屈無何御史來守蘇州語其屬曰
沈建安非汝嘉定人乎汝曹學之不患不爲良吏也後以考

滿將入覲遂乞致仕監司方列狀薦之聞而嘆曰咄咄沈君負我矣

甘元雋字舜登居真如正德十一年舉於鄉署山東定陶教諭遷知陵縣有清操失上官意罷歸四壁蕭然手未嘗釋卷晚以詩名及卒有司爲之營葬

高鏊字企之爲太醫院醫士正德末倖臣江彬勸上南巡修撰舒芬等力爭鏊亦以醫諫上怒曰高鏊亦附外官耶廷杖謫戍嘉靖初召還晉御醫卒年八十三

沈煉字成甫居大場嘉靖七年舉人選山東沂水知縣調四川西充所至釐剔有神君之譽致仕後適太倉王錫爵以大學士里居聞煉名遣使召不往值四川採木之役請起爲行

寶山縣志

卷九

循良

十四

人煉奉命立辦節省浮費數千金錫爵聞之曰吾姑以盤錯試君君真可謂幹濟才矣會與他執政者齟齬久之弗遷謝病歸弟炬字恩甫隆慶元年歲貢官光州訓導遷光山教諭有文行上官方擬卓薦炬賦秋懷詩拂衣歸兩舉鄉飲賓

湯珍字子重居高橋後寄籍長洲嘉靖間由歲貢謁選得崇德縣丞再攝縣事以平易爲治民稱佛子尋忤上官歸與吳中唐寅文徵明爲友結社楞伽山卒年六十六後臺察卽其地建祠祀之又祀府學鄉賢祠孫聘尹字國衡隆慶二年進士知江西進賢縣擢吏部給事中福建布政司左參議

李重字威甫居真如本農家而嗜學強記人以奇辭與義相質爲言見某書某卷歷歷無譌嘉靖十三年舉於鄉由長興

縣教諭遷深澤知縣廉潔自持日與諸生討論經史尋解纒歸初民有善黃白之術者一豪公子欲其術不與遂陷以大盜重廉得其情釋之及去任其人追送二里外廉獻其方重曰汝幾以此及禍奈何禍我子孫哉二廉去祀長與名宦祠

殷貳卿字仲安居殷行嘉靖間入北鄉行誦第六節首以例授長沙縣丞廉潔矢志營三督餉每歲省民耗米凡六百石遷常德府經歷不赴乞骸歸壽至九十

錢春沂字仲與居練祁爲諸生時父被冤繫憤慨陳情竟出死獄後舉嘉靖四十三年鄉試由繁昌教諭遷德化令吏以羨餘進曰此百姓膏血也卻不受未幾求歸上官弗許遂書

寶山縣志

卷九

循良

五

林下清風四字置馬首而去王道通撰傳

陳其詩字汝正居殷行嘉靖四十三年舉人由廣宗教諭遷黃梅令丁母憂起補新泰禱雨泰山夢神授以盃水黎明大雨礦賊王邦傑嘯聚宮山臨其寨撫降之有死囚赴決道逸監司將罪令囚聞之曰不可以我負賢令尹遂就死後降山東鹽運司知事卒於官性至孝父少不懌卽率妻子長跪請罪事繼母亦如事父子所志所信見孝友傳

黃世能字濟夫以掾吏補陝西平涼衛經歷參巡按董國光軍事命率騎數百偵賊世能謂偵賊不宜多人國光嘆曰經歷知兵吾不及也由是器重之委署崇信縣又署安定革浮費八百餘金以廉直忤平涼司理楊某陰中以法罷歸巡撫

顧其志怒曰經歷廉吏也乃爲所中耶并劾罷司理卒年六十四祀崇信名宦祠有功折漕祀報功祠孫醅耀撰事畧陸時隆撰傳

孫耀祖居邑城萬厯間入貲選江西臨川驛丞驛旁有文昌橋日久傾圮歲溺人以百數計民議修復已而梗者大起耀祖獨慨然任之捐金犒匠一歲工竣及遷嶺南巡檢民立碑頌其德湯顯祖爲記

徐嘉言字汝默居大場萬厯二十年選貢父大觀萬厯初歲貢官巢縣訓導河南考城教諭嘉言以貢知永福縣秩滿當改官竟棄去嘗渡揚子適楚之南陲過洞庭浮沅湘與蠻獠雜處獠長敬之畱爲弟子師五年俗大化及歸蠻獠若失所寶山縣志

卷九

循良

美

依卒年八十餘

陳舜道字見華居楊行萬厯三十五年由彭澤教諭成進士例選知縣不就改應天府學教授擢部曹浮沈郎署間久之俸滿選柳州府知府柳故瘴鄉前代以居流人舜道獨安之永茂致仕歸靜坐斗室焚香讀易人服其清節

沈伯伊字伯咸陽子博學負才氣爲前輩激賞殷都嘗贈以詩萬厯二十三年由歲貢爲江西崇義訓導以忤韓令羅織入獄龔錫爵爲之排解得釋子率祖懷祖見忠節傳

唐景亮字明仲居羅店萬厯三十一年舉人由太和教諭陞南京國子學錄厯大理寺鄮察院司務會京師有警協守彰義門有勞陞南京車駕司員外郎督馬政夙弊頓釐遷職方

郎中邊事告急羣議簡卒登陴景亮謂五方雜處之地家無宿糧勿張皇致擾大司馬深然之出知延平府理冤獄平市價輕贖鍰在任八月以疾乞歸民攀轅號泣爲立生祠解組後與弟景南字叔虞構玉蘭堂讀書其中日相酬唱

傅冲之字孝元居高橋萬曆三十一年舉人選休甯教諭擢知湖廣均州州有武當山司香中貴強與州事冲之持法不少挫璫恚之欲中以危法遂謝事去司銓者重之改補直隸州知州終以廉直罷庭植白皮古松日婆娑其下仿淵明庭柯句賦白陶詞以見志唐時升程嘉燧並有白陶詩

宗正傳字紹夫居楊行萬曆時由貢生仕福建南平縣丞署知縣事有清廉名邑人懷其德立碑誌之屢舉鄉飲大賓卒

寶山縣志

卷九

循良

七

年九十五

顧其國字尊生居羅店天啟二年進士官江西永豐知縣調吉水擢廣東道監察御史以諫節駟傳左遷行人司正崇祀鄉賢

申芝芳字素公居顧涇崇禎四年進士歷官江西萬安知縣兵部主事禮科給事中督漕江浙其官萬安時宦橐蕭然或諷之作詩自解云一官已十年無田又無屋舉頭畏蒼蒼合眼問幽獨入室諱言飢妻子避反目親朋間引諷他顧呼僮僕其生平清介可概見

國朝

項思尹字莘友居高橋順治五年副貢廷試後授州河

通判迦向設夫銀爲河官肥橐忠尹三悉革之以仇直忤上官意被劾左遷篋中惟遺遊迦詩草一卷歸家授徒以給日用死之日至不能殮兄思臣明季籲免濫加漕銀二萬七千餘兩人咸德之

瞿士睿字智先守誠子以貢生授廣西岑溪知縣時兵燹初平士睿招集開墾增歲額三之一且糴穀賑饑徭人有負固者多方開諭皆輸稅歸誠

陸嘉賓字孔昭居大場有智畧康熙十三年耿精忠據浙閩遣馬九玉營九龍山我朝和碩康親王率大軍禦九玉而分股畱守建陽時僞都督白顯中頓兵廣信聲言會兵十七萬將襲建陽守者大恐適嘉賓從征至此創議往撫策五騎

寶山縣志

卷九

循良

三

至崇安諭顯中副將范時榮王錫等時榮錫降顯中勢孤復往說之亦降以功署福建詔安縣授廣東長甯縣有惠政妻石氏教民紡織告歸後長甯民爲建生祠卒年六十七子大仲孫繼祖皆貧而好施

施麟瑞字玉符居羅店康熙十五年恩貢選授高信縣訓導在任日久實心訓士士民愛戴爲立學山專祠時巡撫宋攀知府陳鵬年盛稱其才陞宜興縣教諭子對宗呢宗俱能詩孫政詳文學傳曾孫學澍字雨時乾隆五十四年順天舉人大挑一等授貴州印江縣署開州知州甲子丁卯戊辰俱充同考官癸酉歲辦運京鉛全數交部歸入卓異陞用以老乞休

申毓來字子選荃芳長子居顧涇康熙二十三年歲貢由教習授江西南康知縣任事六年以惠愛稱時知府欲行均田法履畝清稅毓來力爭不可知府銜之而奪於理曰此強項令也丁艱歸後二十餘年康民猶感德立祠儒學鍾維正作記鐫石

侯博山字硯陽居真如以國子生試京兆學書於華亭張文敏照有詞翰名與修八旗通志書成議敘裕州通判署襄城知縣歷任廉敏以憂歸居親喪不作佛事尋卒

金彰字亦九諸生居楊行以河工效用授故城丞兼攝縣事時屏僕從策一騎周歷鄉野勸農興學多著政聲及致仕家居耕讀如故

寶山縣志

卷九

循良

完

倪士鈐字巖三諸生居真如有幹練才太倉王相國挾器重之以歸安丞署昌化知縣有惠政子奕洵以耆德授八品服黃正儒字學培諸生涪耀曾孫居楊行以一統志館纂修授湖北安陸府經歷鍾祥知縣清廉愷悌惠澤及人謝事後宦橐蕭然典衣而歸子彝倫見孝友傳

劉幹原名楨字上旋居華井里雍正二年進士性戇直語無委曲爲諸生時布衣蔬食沉浸經史有所得必書而記之後任安徽涇縣知縣嚴教不以示威惠愛不以干譽西鄉有逸盜萬梟矯捷莫制幹遣健捕懸重賞擒解正法民獲安又嘗捐貲修葺三樂書院培養人材以忤上官斥罷琴書之外蕭然無長以歿後纂入涇縣名宦傳子簡字敬夫附貢生充一

統志膽錄官議敘選授安徽南陵縣丞尋攝縣事乾隆三十年泗州被水委辦賑務往來盱眙洪澤間盡錄災戶以上有以數濫構之知州者方揭報待劾而大吏知其愛民遣回任泗民送者數百人孫繩祖字彥存乾隆十八年舉人三十五年揀發四川以知縣用時金川跳梁署西充調辦青臺站軍務兵差絡繹糧餉轉輸無誤凱旋議敘授湖南新田知縣舊習里長有官油官木之供皆償其值而除其擾民稱劉父母鍾文標字上亭居高橋乾隆十二年順天舉人十七年授福建光澤知縣振士風決疑獄歲饑賑粥平糶民賴以甦迎養父母手書一聯於室曰製錦餘閒勤舞綵烹鮮過後勸加餐尋丁外艱服闋補甯德知縣邑瀕海素患潮災文標甫下車

寶山縣志

卷九

循良

三

遷令濬河渠建橋梁人不病涉遷建甯亦多惠政充癸酉乙酉鄉試同考官以母憂回里旣除喪選四川丹稜改安徽潛山兼攝桐城疏漳葭河舟行賴之以疾卒於官

張金惠字夢球居月浦乾隆十二年舉人歷官福建壽甯福安知縣壬午分校秋闈朔望詣學宮會諸生講藝恂恂不改儒素邑故多陋俗集紳耆廣爲曉諭又立碑示禁時有鹽商恃勢以法繩之邑人戴德性梗直卒以不善事上官歸子世常世祺見德義傳

陸芳槐字聽三居高橋父汝寬性敦厚內行純備芳槐年十七爲諸生肄業紫陽書院院長吳大受王峻皆賞其才乾隆九年副貢十七年舉順天鄉試選授懷甯縣訓導日與諸生

講學院人以爲得師嘗奉檄審勘水災按戶檢察無濫無遺
又督修水壞墁圩工更鞏固清釐府屬錢糧冊及委各鄉捕
蝗無不殫極心力上官將以卓異薦力辭年五十二卒於官
詹事錢大昕銘其墓

凌存醅字鯤遊居高橋由附貢生入都充五朝國史館謄
錄乾隆十年署廣東雷州府同知初攝番禺篆巡撫岳濬吏
倚勢謀奪民田立咎之以白濬濬亦痛懲吏且曰凌君健吏
也累攝府篆率屬不厲而嚴善決疑獄丙子鄉闈充內監試
時將以循聲薦知瓊州府會母老乞歸養性謙退不以爵齒
先人杜門謝客好吟詠能擘窠大字詹事錢大昕銘其墓

施灝原名冠元字冠三居羅店乾隆三十年拔貢選授亳州
寶山縣志卷九循良
訓導三十七年成進士以知縣歷任江西河南山西湖廣所
至有循聲宰楚南時公餘招畫友同探九疑三湘之勝繪圖
以歸晚好爲詩王鳴盛選刻寶山十家之一後遷知彬州卒
於官

張仲芳字望齡居邑城乾隆三十三年舉人入四庫館期滿
授四川安縣知縣明斷有威民不敢犯兼攝梓潼縣事署綿
州知州調任南溪以病歸家徒四壁復赴部謁選卒於京邸
陳汝秋原名玉海字穎甫依仁子居泗塘乾隆五十四年進
士未授官歸主講浙江溫台各府書院諸生多所造就入都
銓選貴顯者皆敬禮之嘉慶初任四川威遠知縣兼攝石柱
廳分校省試稱得士旋督餉戈壁事竣例得擢用士民乞留

終於威遠任子威字約泉諸生有文名孫稼生字辛軒道光二年順天舉人由大興知縣遷知薊州以廉明稱

李雲棟字震甫由廩生膺鄉薦歷官四川知縣所至釐剔有政聲陞眉州知州旋告歸其子觀政官浙江鹽運副使就養西湖日以詩畫自遣歲丙辰重遊泮水學使李給贊宮耆瑞額卒年七十九常熟相國翁心存撰傳弟雲松見忠節傳

陸豫字劍侯居高橋道光十七年拔貢生考取鑲白旗教習期滿以知縣試用安徽初署蕪湖有循聲繼任天長時粵寇方盛土匪約為內應居民惶恐豫聯合六合知縣溫紹原會剿擒其魁民乃定擢知州練兵籌餉心力俱殫尋以積勞卒朱其昂字雲甫芾子精明幹練遇事不避勞瘁壬戌秋粵匪

寶山縣志 卷九

循良

三

東竄佐其父率團勇保衛鄉閭旋隨南漕令鄧賢芬入城招降流賊戊辰任浙江中防同知大吏以其勤能檄辦海運凡數年當事者咸倚重之歷保侯補道加二品銜 賞戴花翎壬申秋直督李鴻章奏派總理招商局丙子秋移駐天津丁丑晉豫薦餞倡議購糧運賑聞風輸粟者紛至泊津河東合改道陸運時往來風雪中每事躬親積勞驟卒奉 旨賜卹廕一子有澤以知縣用 見錄廕

孝友

瞿寬

沈輔 子棠

沈瑋 裔係咨高

卜良

蘇旻

郭山

金翊

從子大嚴

銑

父堂

陳玗

沈兆族孫厚侯土方孫萬鍾潘士英父乾

王玉堂子有道王涇父鍊孫泰須諫亨泰貞

陳所志弟所信沈尊高起龍

陸漸登子景行車薦黃士彥

邱隆光父榮嚴桃張相子元吉

沈明鸞許大達沈夢丹

沈可衍沈昌國孫和京

張履素父履沈念祖范光昭父國楨

沈壘蘇澆殷登

戴亮范光啟子雲翔朱洪基子元裕
孫文龍

瞿守誠沈仕印世臣子輯瑞

寶山縣志 卷九 孝友 三

孫公普父承續陸去邪張揆父鵬翼
子適

侯模父廷紹顧文源朱廸

沈晉公沈汾陽徐載父君平車永祚

劉國榮孫如璋龔奇弟肅金潢子時學

張諫張調元張以高

王樹聲沈世苡沈文蔚父日忻

尹聘須廷鼎鍾燕

胡殿掄葛裕民嚴允中

王鉅父桂五沈以約父杰張維正

孫桂芳父繼先黃上林陳毓麟

黃元義陳耀弟宏勳益麟趾

陸汝恭

子必法

金志學

金用照

張廷蘇

孫銘

顧廷臣

楊倬

子肇基

侯秉仁

父式如

顧文祥

黃彝倫

劉立正

父允亮

張至慈

子夢篆

金士樑

陳士宏

姚金江

浦翔春

黃廷蘭

父位昌

鍾惇元

父敏本
子其慶

陸雨田

父宗垣

鄒孟鄰

父起鳳

李春

蔡英

子克思
克敏

陳琢

父恭弟
玠

徐元良

金佐

萬九思

從子心
棠

張鍾

父堅

明

瞿寬字海雲居高橋性友愛兄得隱疾以財產讓兄父歿後

寶山縣志

卷九

孝友

三

事兄愈敬景泰中賑粟百石不受獎高恒為立墓表

沈輔字良弼居高橋邑中善舉無不力任遇旱潦率先輸粟

前後數千石賜冠帶有司表其門曰尚義性至孝嘗遠出忽

心動曰得毋親疾乎遽馳歸母氏黃患癰婦瞿方跪而舐已

潰不可救哭踊絕粒三日夫婦晨夕籲天願以身代比歿廬

墓三年宏治十四年舉鄉飲賓辛亥詔旌雙孝卒年七十二

祀忠孝祠瞿祀節烈祠子棠字時政父病焚香請禱及歿刻

木為像朝夕事之自奉甚儉好施與正德元年崇明巨盜秦

璠為患巡按曾大有郡守林世遠知其才徵聘協捕棠自具

海艘募壯夫備器械軍糧擒賊二十餘人後以長子灼為侍

御贈浙江道監察御史

沈齡輓沈孝子詩百年堂構標東海兩見旌書下聖朝赫赫義聲飛井邑昭昭孝行薄雲霄釀成酒帶波光
不返騷人空費楚詞招

沈瑄字君玉居大場母陸氏病目或教以平旦舌舐可愈瑄行之三年母目復明父患膂疾不能立瑄日夜扶持不離左右聞有李神鍼者能起痼疾邀致之李欲爲灼艾瑄先以身試痛甚恐父不堪請止是夜父夢神人語曰吾感孝子意爲汝鍼之鍼下驚汗疾遂愈宏治九年詔旌其門曰孝行裔孫咨禹繼姓唐字伯勤萬曆三十七年舉人官至雲南按察使僉事崇禎間任兵部員外郎時邑有復漕之議咨禹在京力爲營辦事得寢嘗以餘產分給族人遇歲荒戚友稱貸者力不能償悉焚其券

寶山縣志 卷九 孝友

三

卜良字古愚居高橋父臨歿以祖塋瀕大江遺命改葬良泣而受命擇壤以遷焉兄弟三人友愛周至兄與弟歿良撫其遺孤咸得成立戚里有困乏者恒約己以周之正德間沈祺銘其墓

蘇旻字舜夫居大場父病竭力治療及卒哀毀幾絕躬負土治墓結廬其側悲號不少輟一日雨甚水漸浸墓旻荷鍤決之獲金五錠卽以貢藥治棺施貧者父有遺產悉讓諸弟海陽周成爲立傳

知縣王術賢蘇孝子上蘇家孝子久理名世俗如泥合爾旌地底有金龍蘇善人問多病賴全生烏馴宰木號山月兔遶庭芝瑞海感蘇我未能聞聖主題詩

郭山字體一居橋嘉靖四年舉人父皆珍

當意輒怒山竭力營求朝夕饋食子婦竊聽戶外食已乃相慶謁選爲同安令縣苦徭役不均乃計其經費準田定賦貧者稱便諸番市舶輻輳權稅外盡革浮羨丁父艱去任父老贖三百金爲贖謝却之服除曰往日之出爲親耳遂不復仕金翊字廷贊居羅店後徙嘉定東城嘗以賦事至京師忽聞父計翊痛絕久之始蘇長號邸中邸舍兒掩耳走徙他所曰吾曹聞之何以寢食迨歸面深墨不可辨弟贅婦家去翊舍東十里許東來人詭謂翊曰汝弟某事急得錢若干緡可解未辦也翊卽出錢授之其人心愧更語曰戲耳同產女弟及伯叔女兄弟嫁而寡且貧者悉迎還家而衣食之卒年六十二唐時升撰行狀王世貞撰墓志子大有見文學傳從子大寶山縣志

卷九

孝友

三

入婁堅撰墓志
嚴銑字子華居江灣父堂故長者邑令李資坤召主權會奸胥不敢攤逃賦郡守王儀又令察諸占田不實者忤里豪意乘守去訟之御史瘕死獄中時銑尙少默自務其胸作必報父仇字旣數年訴諸父老曰孤今幸壯有力矣不難剗刃讐人胸第吾父被污卒不自請告士師而殺之於是走御史臺訟父冤里豪被逮自經死銑痛不逮養刻木爲父像事之如生殷都爲作傳

陳汀字厚卿居高橋幼喪母育於同里馬氏平生好義先世遺產悉讓與兄盡復賜給之後馬氏分產與汀亦不受人有持官銀百兩遺旅店中汀後至獨畱守俟其人還而付之爲人乞貸已而負之汀爲代償其後有求復與終不言前負臨歿呼其子索筆書曰負某某財物若干吾死汝必償之他人負已者不言也

沈兆字祥卿居江東嘉靖三十二年值倭警奉母往崑山母病傾貲醫禱弗效割股以進及亡號慟不能拜起扶櫬歸遇雨竟夕跪雨中祈晴翌日果克葬在南雍時有戚龔可學爲逆奴所弑其子錫爵方五歲李崧者乳媪夫也乘夜負之以逃走雪中五日抵兆所兆撫之如子及成立乃出其十五年

寶山縣志

卷九

孝友

三

餘租與親友所贈并與之族孫厚嗣慕兆風盡力事其親父病亦割股以進
侯土方字孟田居真如嘉靖三十三年倭寇肆掠土方負其祖以行得免母瞽朝夕扶持終身不懈以產分授諸弟無私蓄族有貧者稱貸率還其券待塾師尤能盡禮三子皆成諸生孫萬鍾字仲客萬曆三十七年舉人任鹽城教諭初授徒青浦聞父病馳歸時值盛夏空中墮一橘苞紅葉綠萬鍾以爲神賜遂父嘗之獲愈

潘士英字子實居羅店父乾諸生人稱長者士英遂於宋儒理數之學奉以至孝母御新婦嚴一日奮杖擊婦簪入頂而仆士英俟婦稍甦卽牽之跪謝母備憐少子士英亦憐愛之

相得無間嘉靖戊午中歲貢爲龍泉訓導遷江山教諭

王玉堂吳淞副千戶母病割股以進尋愈子有道亦割股療

母按王玉堂事在嘉靖四十二年有道事在萬曆十七年舊志云嘉靖間臺使並獎誤

王涇字清之居大場父鍊病癱幾殆涇割臂作羹以進遂愈

郡守上聞詔旌孫泰亨泰貞俱割股以療親疾

須讓字惟厚居廣福篤於友愛處骨肉間以含忍相化終身

不言析箸事寡姊歲計其衣服之費而繼輸之并爲撫育其

子嘗寒月過債家見壁下草中有物蠕蠕動啟視則三穉子

赤身臥也遽還其券出遇哭於道者云市布得假銀讓如數

償之尤好覆人過所知以白金數錠來質後試之皆贗物然

終不言以此鄉人多德之歿祀鄉賢祠子之彥見列傳

寶山縣志 卷九

孝友

三

陳所志字道卿居殷行其詩子性至孝年過五十當讌會時

有言及其親者必哀痛不終席而去人因以相戒比諸王夏

之廢蓼莪弟所信字一卿諸生自痛早失怙恃事兄如父撫

兄子如己子尤好振貧乏掩遺骸以樂善名於鄉累試不第

晚年偕女夫施鳳儀之武昌任遍遊楚中山水善弈一日與

客決勝負驟然而逝

沈尊字達三居高橋御史陽孫爲人抗直不苟取與性至孝

與妻汪氏竭力事親同產兄弟三人而生養死葬皆尊獨任

兄弟歿貧不能殮亦爲營厝

高起龍字開先諸生居羅店父病割股以療萬曆間詔旌

徐允祿贈高孝子詩膠城之東大聚落土名羅店海潮薄富家大賈環市居出多機利入田作疇若貧而砥操清疇

若窮而事親恪吾間里有高開先讀書行孝以窮年授經里塾得修脯為親圖温且市鮮母終於寢父復病高生祖括醫禱敬醫禱不驗計無之顯天割肉為湯進割股不死天所護孝聲籍籍滿行路里人上之御史臺御史咄嗟亦慨慕人生秉彝好懿德行將上聞眾所著吁嗟乎潮水湯湯來往流此中孝子垂千秋

陸漸登吳淞百戶十歲割左股療母病後又割右股療父父母俱以壽終子景行因漸登病瘵亦割股療之崇禎九年事聞臺使有四割股三折肱對以獎之

車薦吳淞舍人年十二父病割左股以進獲愈天啟間大吏給匾旌之

黃士彥居海濱父客京師士彥拮据養母病不能延醫日夕禱北斗割股作羹以奉及母歿哭幾殆多方求貸以營棺殮知縣來方煒獎之

寶山縣志

卷九

孝友

三

邱隆光字美含居大場父榮為東安主簿將赴職寄貲其戚未幾榮卒於官隆光取所寄歸母族構之曰金不止此隆光置不辨母張氏素嚴隆光與妻顧氏事之彌謹母卒悔悟承歡二十餘年及母歿哀毀期年而亡顧氏嘗割股療父遇姑病日夕進乳崇禎十年學使倪元琪上聞詔旌雙孝之門子道明見德義傳

嚴桃字麗卿居江灣嘗割股以療母疾里黨欲上其事力辭乃止改折事行漕司點大戶追比名曰扇催賠累之苦倍兌糧桃為條陳當事計通縣幾扇幾里里分十甲以次輪差每塘長十年糧長五年更番分值民力得紓按撫稱善

張相字望淵居黃如親病無措割股以療子元吉字慶來幼

孤孝母兩舉鄉飲賓不赴

沈明鸞字和叔居大場事瞽父曲盡孝養明季歲大祲明鸞處困苦之際保全弟姪輩二十餘口其貧時稱貸於人者後悉厚償之卒年七十六

許大達字韞玉以明初開國功世襲百戶少好學補諸生事親色養倍至妻卜氏極力助之隱居海濱有故人爲仇陷以寃白當事欲置之法仇以五百金餽焉却之越中老生貧不能歸鬻其妾與女其妾賣與大達及至泣不已問故曰夫女生離是以悲耳卽召其人領回其人以價散半爲辭答曰豈望還銀併以其半代贖女歸之卒年八十四子自俊見列傳女玉早寡守節在家以節孝旌

寶山縣志

卷九

孝友

四

沈夢丹字仙臣居高橋事母以孝稱崇禎朝臺憲屢檄旌獎給孝子冠服乙酉遇變死

沈可衍字叔文居羅店幼孤奉母莊氏甚孝能詩文篆刻善山水乙酉兵死

沈昌國字同休諸生居高橋早喪父事母常氏承顏順志極盡孝養奉兄嫂如父母尤樂善好施鄉黨稱之

孫和京字九服元化幼子當元化就獄時和京年十四獨囚服入晨夕侍奉及赴市頭血濺地和京伏而舐之盡扶櫬南還後補博士弟子而於天文地輿兵歷稼穡諸事靡不貫澈後試南闈以文踰格見擯乙酉城陷負母沈及妻高匿鄰家池內兵入皆殺之

張履素字子旦諸生居橫港父祀鄉飲賓有文行履素七齡喪母哭踊皆如禮事後母至孝嘗登舟避亂母遺幼子於蓐履素排闥負之出適兵至義而去之子雲章見列傳

沈念祖字修孟紹伊長子好讀書以第一補諸生母亡過毀嘔血卒邑人王道通有七君子詠念祖其一也

范光昭字德明居羅店乙酉之難父國楨被執將加刃光昭以身蔽父伏地求代不獲父子同時死

沈鑿字子佩居高橋懷祖子乙酉之難鑿侍父守森玉樓兵入門縛懷祖去鑿前乞釋并被刃傷後大母病劇鑿禱於神願減己算十年益之竟愈鑿金瘡決遂死年二十四

蘇澆字眉起居楊行性至孝所居與母氏隔風雨夜晦必侍

寶山縣志

卷九

孝友

望

母寢始去比曉卽候立無少怠崇禎十七年間京師陷卽易麻冠草履望北長號積鬱成病尋卒自作靜節居士傳弟淵子樸均見文學傳

殷登都孫開之子開之遇兵登請代死父得脫

戴亮字采臣廣元孫年十三補府學諸生性篤孝客江右聞母訃兼程而返徒跣入門撫棺慟幾絕刻木爲像朝夕上膳必涕泣康熙十三年 詔舉邊才侍郎陳凱欲薦諸朝却之舉鄉飲賓亦不赴幼受業於王道通黃涓耀之門道通歿經紀其喪涓耀殉國難奮身視殮

國朝

范光啟字華先諸生居羅店父國楨光啟當父弟被乙酉之

難亦欲從死念母在無人侍奉而止後於父弟死所購以建祠名曰思圃祭享哀痛一時贈詩歌者成帙蘇郡守陳鵬年爲序晚舉鄉飲賓子雲翔能繼父志好行其德張揆方撰傳朱洪基字爾開諸生居羅店性純篤承家養志不以瑣事累其父幼失恃事後母如所生尤友愛其弟人稱爲朱閔子子元裕順治十八年進士官蒲縣知縣孫文龍康熙十四年舉人官南陽府同知

瞿守誠字慎所居高橋性至孝家貧與妻俞氏飾爲寬裕以悅親心明季歲祲饑困路拾遺金候其人還之 國朝順治九年舉鄉飲賓子士睿見循良傳

沈仕字長卿居高橋官太平府學訓導親病朝夕焚香籲天

寶山縣志

卷九

孝友

三

求代及歿終身茹素廬墓三年有司獎之兩舉鄉飲賓康熙十九年入祀忠孝祠

印世臣字上下諸生居胡巷橋父有聲以遊學歿於燕京輿櫬歸世臣時甫九齡哀痛如成人事母至孝與兄同居終身不析產族弟詢僉早世託孤於世臣旁人覬覦之世臣不避嫌怨撫之成立入學成婚以所授一一歸之吳淞向有養兵之累比戶牧馬世臣請建營房民得安堵順治十六年復有漕兌之舉闔邑驚恐世臣力請於諸大吏得免長子崑端候選州同克肖父行以孫光任貴贈如其官光任見列傳

孫公普字仲涵居高橋父承纘諸生食貧臨終以不克葬親爲恨歿後公普竭力營之并葬兩叔及兄與妻鄒氏事母孝

養不匱母易簣時呼語之曰願汝子孫皆似汝夫婦孝敬吾意足矣兄公姓力學早世遺孤濂衣食教誨與己子同皆成諸生屢舉上海嘉定二邑鄉飲賓

陸去邪字洵存時隆子時隆病蠱醫藥久不效泣禱於天旬餘而愈家故貧自王父以下六柩未葬去邪佐其父竭蹶營之生平慎言行戚友貴顯者不屑諂附貧者患難死葬恆周恤之早卒

張揆字殿賡諸生居楊行父鵬翼病人勸以割股揆曰身體髮膚受之父母不敢毀傷晨夕叩北斗願以身代父病果愈弟適字平子性亦孝友事孀姊寡嫂甚敬每月朔望必整衣冠走問安否事無大小悉經理之與兄揆同爲學使陳昌言

寶山縣志

卷九

孝友

三

所識

侯模字克中居大場父廷紹病稽顙北辰願以身代潛割左臂肉和藥以療之撫兩弟友愛備至增置祭田續修宗譜子瑞璧字瑩如考授理刑同知

顧文源字君華居高橋少孤事孀母至孝母病籲天請代及歿喪祭盡哀又能厚待三族糧道賈璞以孝行可風額旌之子琪見德義傳

朱廸居羅店幼孤事母楊氏至孝母病不解帶親嘗湯藥及歿廬墓居喪哀毀幾滅性至老遇祭奠必流涕乾隆五年

詔旌

沈晉公字一裴居羅店善詩文尤長樂府父潛伏諸生遇之

嚴而晉公甚孝父病膈密割股肉爲藥及將歿嘆曰吾不意汝孝至是事母亦能得歡心爲邑令陸清獻隴其器重隴其致仕去邑人候榮往候之間及二裴榮愕然隴其曰如此高士子未識乎榮歸卽與締交一時名士爭相造訪終杜門不出進士趙俞稱爲羅店逸民同里沈汾陽字希郭割股療親以孝行聞

徐載字直甯居大塲事父君平母朱氏承顏順志父病禱天而愈母患目疾時以舌舐之母夜夢神賜丸吞之及旦目明康熙十六年知縣陸隴其給志在順親區同時尹維乾亦居大塲妻徐氏並割股療親疾隴其獎之曰雙孝可嘉

車永祚居城官廣東乳源守備幼時父中俊病篤割股療之

寶山縣志

卷九

孝友

四

劉國榮居城中家赤貧父耄而多疾國榮備奉甘旨父歿爲營弁守虹橋汛專司郵遞羽檄一日誤損軍書械送松江治罪前夕提督楊夢神語曰詣旦海上孝子事可宥也凌晨國榮至鞫其故具以實告釋之過上海見有械繫者母子相持痛哭國榮心動適縣令出過其所代爲請釋令叱之有識者曰此虹橋劉孝子也令亦感動竟如其請卒年八十四

龔奇字調梅居邑城其先爲浙之義烏人明萬厯間從其戚副總兵朱某蒞淞遂寄籍焉奇數歲而孤弟鼎字調吉猶在襁褓奇事孀母撫弱弟孝友無間言及壯勇畧過人由把總擢爲千夫長康熙己未夏海盜周雲龍寇吳淞奇飛書求援救不至率一艦迎之而對岸所泊舟已爲賊劫去主將懼委

罪於奇械送大府肅密隨至松郡謂曰兄至金陵必擬大辟
兄死母必繼之不如弟代繫獄兄疾走都中叩闈或可昭雪
也奇泣從之事果得白城旦吳山驛肅釋歸一時競傳其義
奇年八十一無疾而逝肅亦七十餘歲而卒

金潢字來宗居城外六歲喪父事母至孝康熙二十年舉人
以母老不仕母患目盲每日晨起爲舐之得復明外祖死無
子因業廢族人莫肯繼立潢爲營置祀田數畝擇其族之賢
者主之以奉祭祀并代葬其三世之喪創立廣仁會糾同志
捐金以給飢寒及無殮者子時學康熙四十七年副貢任儀

徵教諭

張諫字柬言居彭浦母病百藥不效諫祈神割左股以進尋

寶山縣志 卷九

孝友

巽

愈壽至八十四而卒孫如璋字四綱事母金氏亦嘗割股愈
病

張調元字爾梅居江灣家綦貧痛父早歿竭力事母備力所
餘悉以供母必得其歡而後止母亡哀毀骨立蔬食終其身
張以高字惠仁居邑城母病割左股以療父病復割右股病
亦愈

王樹聲字子實居真如幼孤事母孝母病割左乳旁肉療之
及歿廬墓三年

南瀝顧天成詠王孝子詩大孝有常經至性無守墨肅慕
迫中腸逞能顧成迹我讀孝子傳慨想常嘆息是非聽諸
人祇自竭其力諸兄益名流此身捐可得皇天鑒血誠病
愈創亦釋藹然蒸太和友悌傳鄰邑文孫念祖心乞言當
旌

沈世苴字子祥明孝子輔裔孫父病割股雜糜食之
叔並無後爲營殯葬卒年八十餘

沈文蔚字翼盛居高橋父日所病劇割股進之及卒三年不
御酒肉田廬讓與弟弟亡收姪女撫嫁之

尹聘字商衡居大場康熙五十二年舉人爲文操筆立就性
孝兩次割股愈親病里人重其文行爭延致之

須廷鼎居廣福少孤事母陸氏孝母病割股療之

鍾燕字岳英諸生居高橋家貧力學言笑不苟父死於楚匍
匐奔喪母病禱於神以延母壽訓養幼弟友愛備至

胡殿掄居殷行本農家子性至孝父病篤醫藥罔效割股肉
作湯進之而愈又患目眚每晨以舌舐之踰年復明後繼母

寶山縣志

卷九

孝友

吳

病亦嚙臂肉療之同里訓導朱金銓爲上其事於郡縣給匾
獎之

葛裕民字南仙居江灣年十二三父爲仇家所搆幾致大辟
會郡守盧按行縣裕民匍匐上控呵逐之明年叩守署守奇
其幼俯頷所請然猶未能理也商邱宋華爲巡撫裕民竄身
兵衛呼號投牒卒以得白中年補武學生能詩

嚴允中字維一居江灣九歲喪父事母孝嘗與母居舅氏家
值鄰人不戒於火延及舅廬母阻火不得出允中冒火入救
而烟焰方張母迷眩不能行乃以被裹母負而出之比出而
外衣灰燼矣一日母偶遺米於厠痛自責允中方病躍起傾
糞於地檢食之母染疫將不治允中對天虔禱願減已算母

果愈而允中病矣臨歿囑妻周氏曰吾死願汝孝吾母也聞者皆爲墮淚卒年二十八長洲沈文愨德潛爲作嚴孝子傳王鉅字廷翰世居松江父桂五以族人牽連遠戍鉅贅居膠城陸氏歲貢生燿其內弟也燿父亦同在遣中鉅少具至性比壯徒步省親數千里外居一載父遣之歸越數年復往父與外舅相繼歿哭踊盡禮負骸骨歸葬晚徙居邑城日坐一室衣冠嚴肅子醅字明揚亦能盡孝

沈以約字曾一國學生居楊行父杰以約幼喪母盡禮如成人稍長事父及繼母承顏養志得其歡心父卒哀毀骨立席地臥時年踰五十因是病卒

張維正字以寧居真如親病割股療之壽逾七十卒

寶山縣志

卷九

孝友

七

孫桂芳字靖遠居殷行父繼先以糧排賠累破家兄天相貧而好學桂芳勤儉立業父母喪葬之費獨任之不以問諸兄黃上林字聖遊諸生居楊行其先浙之餘姚人爲明諡忠端尊素後裔上林自幼以孝聞父授徒於外事祖母施母吳甘旨無缺嗜學工古文詞兩舉賓筵不赴尤好義里中煮賑及廣仁育嬰諸善舉皆倡首樂輸學政李因培給蓼莪幾廢額以旌之子維玉維翰見文學傳

陳毓麟字天蔭居月浦家貧父以怨家株累客死金陵時毓麟年十四子身請行泣陳各大府撫軍某憐其孝給資授牒俾得扶柩歸事母益謹以壽終孫鈞見文學傳

黃元義字令昭居江灣幼失怙事後母高然孺慕尤樂義舉

遇歲災捐粟煮賑不遺餘力嘗路拾遺金訪還之雍正間吏給匾以獎乾隆元年舉孝廉方正子錦武學生

陳耀字照宇居嘉城乾隆元年舉人家故饒至耀中落習醫以供父母甘旨慮弟宏勳以家累荒學殖獨力支門戶宏勳遂工詩文補諸生食餼

益麟趾字瑞徵居高橋母馬氏病劇割股進之壽至八十四而卒麟趾躡踊哀號有孺子之誠

陸汝恭字景虞諸生居高橋年二十餘謝舉業代父司家事兄弟四人友愛無間不析產者四十餘年教子弟先獎勵而後裁抑之叔淇右父子先後早世撫其遺孤請旌兩世節如制舊有祭田以供宗祠春秋嚮祀餘則分以贍族汝恭承祖

寶山縣志

卷九

孝友

吳

父志偕其姪芳槐復益之又割宅爲慕義書莊卹貧濟急平糶煮粥邑令賀祥珠舉爲善人榜於邑乾隆三十一年舉鄉飲賓光祿卿王鳴盛爲作生傳仲弟汝寬字盡宣國學生素履敦篤先汝恭卒詹事錢大昕志其墓子必達附貢生性純摯嘗割己產讓庶弟尤好學芳槐見循良傳

金志學字文奇居楊行事親甚孝邑令田聯芳以孝義可風額獎之同里黃維玉爲作傳金用照亦居楊行幼失怙竭力事母母壽百齡而多病穢溺牀第洗滌不怠

張庭蘇字復生居楊行家貧偕妻陶孝事其親病篤醫藥不效夫婦先後割股孫銘字新三事母亦以割股聞

顧廷臣居月浦幼出繼異姓事繼父母甚孝年十七歸事本

生父母益孝家貧日求甘旨以供居近海母水死哀痛欲絕
葷酒不入口夫婦異處者五年父續娶如事前母乾隆二十
年歲大祲父與後母均病貧無醫藥資廷臣刺指血和餅餌
以進父父愈進後母後母亦愈後終日焚香為父母祈年皆
得壽終忽齒中生一珠人以為孝感所致謂之孝珠舉人陳
鈞作孝珠記

邑人陳琛贈顧孝子詩孝行年來著海濱吳蒼不負愛親
人孟宗生筍姜詩鯉爭似明珠迴絕塵貧賤娛親大是
難如何博得二人歡苦心鍼出指頭血為療沈疴一粒丹
不負吾親是寸衷孝心真處與天通珠光的燦徵嘉應
底事茫茫問太空椿萱長謝星霜夢想依
依繞北堂若使輜軒能上達日光俯照映珠光

楊倬字漢章居羅店監生幼失怙事母朱氏朝夕虔謹母病
先嘗湯藥衣不解帶弟早亡撫諸姪如己子母壽八十餘倬

寶山縣志

卷九

孝友

完

亦年逾五十依依膝下如孩提性尤慷慨里中諸善舉靡不
踴躍為之乾隆二十一年邑令李元奮請舉優行嗣子肇基
能承父志本生父母相繼歿所遺四弟一妹俱幼肇基為之
經理家政及次第婚嫁畢將嗣產與四弟均分人稱其賢顧
文祥亦居羅店父早歿事母甚孝撫諸弟友愛備至母病割
肉以療

侯秉仁居大場性孝友父式如卒於雍正十年大荒之歲殯
葬無失禮撫弟秉文從弟潤昌皆成立戚族田廛出售倩書
券酬之金峻却之曰彼貧而棄產吾忍利其一錢乎冬月有
乞丐僵斃舍旁代瘞之里中無賴欲誣之既而曰彼善人安
可誣耶待塾師忠且敬有假貨未嘗却曰先生訓吾子安可

拂其意子四季子廷銓見文學傳

黃彝倫字徽典居楊行正儒子正儒任湖北安陸府經歷年六十三病革彝倫破指出血爲文禱於城隍神願捐己壽以益父尋愈歸里正儒年六十六而終彝倫年亦至六十

劉立正字位參父允亮立正工詩文精楷法幼時偶觸父怒杖逐之冠墮地卽俯拾抱父膝而哭人皆異之躬耕色養鄉里化其仁

張至慤字仲儒國學生居楊行性勤儉具智畧父涵遊粵東學使幕歿於試院至慤銜哀匍匐不遠數千里扶櫬還家子夢篆字書南附貢生官浙江瑞安縣丞值瓜代以母老解綬歸侍奉之餘躬耕課子就隙地闢小園植梅二百餘株有西

寶山縣志

卷九

孝友

五

冷風致尤好施與歲飢恆賑米數百石舉卹孤會創種德堂經理之爲久遠計丁母憂服闋未及赴浙遽卒

金士樑字禹範居大場監生嘗割股療母疾同里欲上其事於郡縣力辭乃止

陳士宏字思毅居大場少失怙撫幼弟成立母病危割股和藥以進病旋愈

姚金江字萬資廩膳生居大場少孤事母以孝聞年十六爲

補廩春字鶴天諸生居邑城少具至性母病癰醫藥不效嚙

臂肉作湯以進妻蘇氏事姑亦盡孝翔春交友不以生死異詩人徐崧范起鳳歿爲輯其稿梓以行世繞宅種梅數百株

號所居曰梅花村著梅花村稿客吳門沈文愨德潛爲序之
晚歸里吟詠不輟自題其集曰老去吟今年近八十而卒葬梅
樹下槎溪陸世康題曰詩人浦流槎之墓子東旦見忠節傳
黃廷蘭字芳遠居高橋父位昌隨縣丞蔣如燕之廣東德慶
州越四年廷蘭聞父歿攜錢數百文賣藥自給間關險阻飢
寒困頓又遇巨盜屢瀕於死卒抵廣東覓父骸負以歸

鍾惇元字遂卿文標從孫居高橋諸生性孝友父敏本患頸
疽醫窮於術割股皮貼之穴爲之平母疾衣不解帶者數月
居喪哀毀逾常歲時祭祀必涕泣兄早歿事寡嫂如母撫庶
弟成立視如同胞子其慶字亮功道光二十八年 恩貢生
陸雨田字雲從諸生居廣福家赤貧茹苦積學性純孝父宗

寶山縣志

卷九

孝友

至

垣病亟焚香額天割臂肉煮湯以進病尋愈同邑舉人李成
鳳爲序其事早卒子傳經請於邑令劉希瀛給至行格天匾
傳經見文學傳

邑令劉希瀛詩博頹垂留兒計窮伸臂割肉肉肥濃張牙
噴血血流紅拚將一誠格蒼穹君不見陸雲從一解椿庭
兮烟鎖斑衣兮淚墮沈疴染阿爺生死敢恤我二解解我
腰間鞘磨我手中刀一刃初刺肉從顛兩刀三刀風飄蕭
鄰刀作義奉牀前日昏昏兮心搖搖三解解阿爺呼矣病體
蘇矣扶爺起搖爺鬚異香滿口此瓊酥爺爲兒言兒感吁
四解吁嗟乎身可賣子可埋一樣至誠天可
回幽光潛德終須發莫作毀傷身體猜五解

鄒孟鄰字嶧山居高橋父起鳳樂善好施乾隆甲寅歲饑濟
貧有陰德孟鄰中道光五年副貢生事親色養備至親怒長
跪以請雖鞭撻未嘗違顏色及長孝思不衰接人和易而取
與不苟生平不言人過其長厚多類此

李春字青巖居大塲少孤性孝友母年六十餘病亟春割股以進尋愈壽至八十撫弟本成立授室又精繪事道光初呂宋國主得其尺幅大欣賞賚千金聘之以母老辭

蔡英字繡原真如人家貧績學不事生產父以罪戍秦中英年尙幼卽勵志讀書里中人數睥睨之乃益發憤弱冠後屬婦善事母崎嶇三千里兩省親於長安所著陟岵草二卷皆發於至性子克思字韻梅少有神童之目工詩善書性孤介不諧於俗庚申秋粵賊竄東南克思負母逃遇賊於途脅之從叱之賊曰不去將殺汝母乃大呼曰速殺我勿傷我母遂殺之次子克敏字豈凡能詩

陳琢字訥夫居淞口諸生事父恭甚孝性質直不妄交友朋

寶山縣志

卷九

孝友

三

有過輒面斥不少隱著鄉黨圖攷便讀以惠來學道光初因歲祲倡議分賑拯災飢民賴以全活又議創設善堂掩埋腐骼有阻之者不果後卒如其議父歿斬衰苴經席藁靈次號痛不已踰月以哀毀得疾卒弟玠字介生諸生內行純篤晚年自號戒僧學平原書得其神髓

徐元良居高橋性至孝母老病危百藥罔效元良割股療之延壽四載餘

金佐居羅店幼失怙恃叔母某氏撫之成立製香爲業持長齋事叔母如母家赤貧日懷餅餌酒脯以娛之氏性暴少不當意輒加鞭扑佐跪受責俟氏怒解而後起仍力作侍奉不

懈

萬九思居高橋性至孝十八歲父病醫藥罔效割股雜糜以進尋愈晚歲傾貲獨創三知堂兼設義塾卒年八十餘從子心棠少孤亦割股療母疾

張鍾字友雲居真如隱居教讀事父以孝聞庚申寇警奉父堅避居里北賊踞真如掠近村父病臥村中有促之走者鍾曰安有棄父自全者耶囑其子淵急去已仍侍父側奉湯藥賊至曳之去諭以病父在弗聽脅以兵厲聲叱之賊怒遂刃焉後賊復至堅亦罵賊死 賜卹如例給雲騎尉世職

忠節

姚舜元 弟舜賓從子應龍 馮 舉 屈倫 陶 成 上相

張 治 子式 邱將軍 丁千馬八百斤 王 街

寶山縣志 卷九

忠節 張 涵 張錫眉

唐繼武 兄繼隆 傅凝之 唐景曜 從子培 許 龍

朱 霞 吳之蕃 父斗南 沈寧祖 子鑠

沈率祖 弟懷祖 諸 錡 施鳳儀

金德開 子起士仲士堪士 婁復聞 徐元吉

王 彪 黃仕賢 唐 幅 王廷佐陸勝發

胡大銓 父驥 浦東旦 趙祥麟 李雲松 鄒慶

李飛龍 袁 增 族孫寅 金殿邦

朱 芾 陸 京 陸兆麟

屠守基 石雲龍 李四 陳思振

沈飛鵬 趙信忠 張 度 炳文 陳 淵

大隆 李茂廷 趙之奇 王鍾嘉

陸源發

朱錫元

楊寶鑑

支淇

喬榮奎

胡銘書

從子濤

沈斌

徐必昌

朱炳

維清

莊夢周

鮑承泰

李榮紳

孫貫孫

徐克明

宋

姚舜元字景瑞以武功為保義郎平江府東南副將守吳淞德祐改元冬元帥下平江姚氏為邑巨族民樂歸附舜元語弟舜賓賓子鄉貢士應龍曰國家厚澤在人大本未去收合散亡以應內援外事可圖也未幾元偏將東巡莫敢犯境十二月十六日會黃霧四塞襲兵猝至舜元不及備與舜賓應

寶山縣志

卷九

忠節

番

龍及次子與龍並死之舜元祀鄉賢忠孝二祠

元江陰王逢弔姚舜元詩賈勇收餘燼驚心壓大兵蚍蜉曾少援葵藿本同誠尺伍開符籍孤虛識陳營青烽寒入望銅斗夜傳聲朔吹刀如割南天蓋未傾小臣甘效死同氣忍偷生江沟濤沙合流星霧障橫一門忠孝行春草尙

明

馮舉吳淞所百戶嘉靖三十一年倭眾突至登岸剽掠舉與隊長屈倫亟迎之手斬賊首一生擒一賊怒奮擊之舉與倫偕死又百戶宗元爵方主巡徼聞舉死躍馬赴戰至暮力盡亦死

陶成吳淞所百戶嘉靖三十二年夏倭因官軍屢却進薄邑城所至焚掠成伺其情歸偕十相邀擊之風阻舟轉戰不利

同赴水死

張治吳淞所百戶倭寇海上金山備倭都指揮王世科蘇州同知任環合兵禦之命治以甲士五十為前鋒斬首十餘級賊有胡藥師者勇力過人治搥殺之已而賊益眾併力鬪治被創死事聞詔賜優卹官其子式副千戶

邱將軍佚其名居羅店有膽畧身長且肥故以將軍稱之嘉靖間倭寇羅店邱持矛殺數賊力盡遇害王道通作傳同里有丁千斤馬八百者亦力士也倭犯江東丁鬪死馬坎土埋之哭而去

邑人范傳相邱將軍歌倭人入寇至無狀鹵掠強暴誰敢抗橫行海上好殺戮執兵城下至雄壯一朝飄忽至羅陽白刃耀日凌清霜砍人項背爆竹響血流滿地屠肝腸男女千人盡被殺其餘逃命還徬徨將軍見之真大怒長矛

寶山縣志

卷九

忠節

五

歸取臨戰擣其妻不知平生志挽衣偏說君疏狂將軍一心欲討賊拂衣不聽來南塘赫然橫矛立高阜垂死之人得脫走倭方長驢勢甚猛將軍大喝如虎吼洞胸達背拉枯朽一賊匹馬勢剛勇飛矛斷喉更何有鵬鷗突入烏鴉羣一入殺賊數十人酣戰日黃救援缺事終難濟情酸辛忽見東方賊又來太息已曉身沈淪再戰力尚強罵賊氣已伸重圍攢刃不能敵牙折股廢其身無馬并無草可裹未受爵祿酬君恩慟哭獨有馬千斤埋土澆酒交情真嗚呼如君里巷細民耳堂堂不愧將軍名不比從來臥虎將軍啖肉酬酒無功成一且疆場甲兵起儒怯驚駭惟偷生庸庸一世無事業英雄對此難為情可憐青史名不載讀書如與將軍對

王街釜山役卒義烏人占吳淞所籍每戰先登殺倭甚眾氣猛務進棄首級不取返論功御史幕下御史以街無首級叱之街曰此易易耳明日再戰殺劇倭凡六輩盡取其首以歸補百戶銜時街以取首級故身中創數十處出幕而死王道通作詩哀之

王道通哀王街詩沙場百戰沒鬼路五更回壯血猶聞臭殘骸已化灰黃麻春盡雪青史雨餘雷不道寒衣婦還將刀尺催

唐繼武字起葉本姓邱居月浦兄繼隆字啟奕崇禎八年歲貢授常州靖江訓導陞淮安清河教諭繼武由國學生授醴陵主簿有政聲陞威遠參軍當事者愛其才畱解南糧時張獻忠寇長沙道梗不得達僦民倉儲之或諷之去繼武曰吾與糧共存亡去將安之未幾賊陷長沙被執勸之降曰死則死耳肯從賊耶遂遇害年六十六祀忠義祠

張涵字凝之居真如諸生工詩詞精韜畧入閣部史可法幕條上便宜行事授標下都司晉遊擊尋擢參將大兵下揚州分守北門城陷死之

寶山縣志

卷九

忠節

五

張錫眉字介茲本姓黃居高橋舉崇禎三年鄉試徙居嘉城之南里 國朝順治二年與龔用圓拒守南門或曰君故鄉濱海無兵盍歸妻子錫眉曰是先去以爲民望也不可城破正衣冠向北再拜自縊先數日嚙指血書絕命詞於衷服曰託命不辰僑居茲里倚絕宗親路隔同氣與城存亡死亦爲義舉家殉之惜非其地後之君子不我遺棄其妾何氏抱幼女先赴水死祀忠義祠

傅凝之字令融居高橋崇禎六年舉人負才畧工書旁通諸藝事 參吳志葵軍志葵旣擒衆悉降凝之獨赴水死祀忠義祠

唐景

韜生諸生居羅店兵部職方郎中景亮從弟性豪

放喜談韜畧順治二年率鄉兵起義被執磔死從子培字自因以文名崇禎六年副貢先匿其母於鄉鄉兵潰從景曜同死有吳縣徙居羅店之席元斌亦同時死難

許龍字雲美嘗從史可法於揚州任都司順治乙酉大兵駐吳淞副將梁得勝泊舟東門外龍迎敵於太平橋西持大刀突陣擊殺數十人因後隊不繼中流矢死邑人劉幹有傳朱霞字赤城居羅店食餼邑庠爲人磊落自喜不可一世乙酉之難身被數創墮河死

吳之蕃吳淞所世襲百戶父斗南以征流寇死王事之蕃兼署陸營把總大兵入吳淞走江東率鄉兵四千人船百餘艘至胡巷橋登岸兵潰不能敵之蕃呼天哭曰我父子死國

寶山縣志

卷九

忠節

七

分也然不得一戰死勿瞑矣提鎗赴鬪被擒死

沈寧祖字季康居高橋父紹僖爲吏部時隨父入都由國子監考授禮部儒士乙酉城下死之子鏌諸生亦以護父死一女年十四亟以腰帶自絞其頸不死復以簪自刺其喉而絕沈率祖字行叔居高橋紹伊子署南京備倭營守備國朝順治二年城下時赴水死弟懷祖字公述當父被逮時攜入園扉教以經史長益淹貫補博士弟子自號藍田所居森玉樓羅列圖書彝鼎庭蒔花藥乙酉兵死

諸錡字用湘初名福萃習兵家言輕財慕義乙酉之變錡呼天泣血懣誠動衆袒右者數百人時淮鎮張士儀起義劉陽城錡爲聲援大兵襲擊獲之死於嘉定西關外

施鳳儀字孟翔居羅店後徙江灣崇禎十年進士仕武昌府推官性廉潔不畏強禦遷兵部職方司郎中甲申之變潛赴南都時閣部史可法督兵揚州一見如故疏請以職方贊畫軍機城下時或勸之行鳳儀不答堅坐城上死於亂兵藁葬

城隅

按鳳儀值闖賊之變隱於蕭寺與同里申芝芳乘間南歸芝芳隱居里門鳳儀即從史可法於揚州卒以身殉其答業師嚴承思衍書有云不敢愛身以辱師命則其殉國之念固未嘗忘也前志存其概於表中頗有微意君子亦原其心焉可矣

金德開字爾宗兆登子好讀書尤喜為歌詩累千餘篇乙酉城陷危坐室中手持家訓兵至不為動將刃之其幼女嫁南翔李貢生昂適以家破還倉卒間以身翼父皆被醢子堪士

寶山縣志

卷九

忠節

五

未弱冠補諸生拘謹能文德開尤鍾愛之仲士方臥病均及難起士字懷節廩膳生飭躬砥行同侯氏諸子講求性命之學及詩古文詞甲申京師陷作哀國變詩千餘言乙酉夏與侯忠節峒曾黃忠節瀆耀謀城守策應捍禦日不交睫者浹旬及城陷窟跡青龍塢作七哭詩語極酸楚以悲憤卒年二十五造士見藝術傳熊士改名望見德義傳

婁復聞字思修堅子幼承家學工詩古文詞乙酉太倉浦嶂兵至石岡被縛以不屈遇害土人就義塚瘞之

金慰祖弔婁思修詩書生報國憶清門才藻翩翩更莫論休道北邙皆朽壤青燐一點識忠魂

國朝

徐元吉字徵甫諱韜畧歷任至台州海門遊擊順治十一年

率舟師過定海督剿海寇因眾寡不敵遇害乾隆六十年四世孫以梅承襲恩騎尉

王彪本姓尤字震之任吳淞水師提標中營守備

吳淞所志云游擊

順治十四年

吳淞所志作十二年

七月明張名振率眾乘船再犯吳淞

時彪在船廠敵猝至禦戰死

黃仕賢居吳淞任松江右營把總以剿湖盜錢大戰死於御唐幅居城西北隅乾隆六十年五月海寇蔡牽圍羊山官軍糧絕幅護解兵糧赴洋遇盜鬪死與吳淞營兵王廷佐龔文明陸勝發同時被害

胡大銓字榮堂居楊行父騏嘉慶十五年舉人大銓隨侍

京師考授翰林院供事辦理文穎館差務議敘當得九品秩

寶山縣志

卷九

忠節

堯

性謹訥嘗語人曰潔身持己是第一法同僚咸敬服之癸酉

秋教匪犯 禁在城員弁四出搜剿大銓遇賊格鬪刃傷數

十處直立不仆值管理翰林院事陶樑見之驚詢其姓氏乃

曰我供事胡大銓也受重傷將殆矣言訖而斃陶以狀上

聞 贈四品銜 賞給雲騎尉世職並 賜祭葬銀二百兩

入祀 京師昭忠祠子富齡八歲承襲劉權之撰傳

浦東旦字升陽翔春子國學生少承家學喜吟詠躬耕讀書

不問世事道光壬寅西人犯吳淞口城中紛紛遷避時東旦

授徒文昌宮適鄰廟爲火藥局西人縛住持僧欲置之死潛

遁遂辱及東旦憤懣自縊同時有吳淞營兵趙祥麟年少有

勇畧在東炮臺奮力轟擊猝中飛炮身裂爲三死最慘附祀

陳忠愍公祠

李雲松字子平雲棟弟甫及晬父臨歿母周氏撫以成立六歲就傅讀書日數行下成童經史文選皆能融貫十七補諸生中嘉慶二十四年順天舉人任青浦縣教諭陞河南陳畱知縣時祥符河堤決陳畱當首衝雲松焦勞籌畫衣不解帶十二月晉省請帑散賑將渡河風浪大作從者請待明日曰民餓久矣早賑一日可活多人不聽抵中流冰凌排風下船裂雲松危坐不動色風愈烈檣傾壓肩遂卒年五十九家人鄒慶從焉事 閩 諭賜祭葬長子觀治廕知縣同安蘇廷玉撰傳

李飛龍居眞如少孤奉母惟謹性任俠喜禦不平事里黨咸

寶山縣志

卷九

忠節

卒

敬憚之以母老故杜門不出母卒仗劍從軍咸豐甲寅以剿復上海城功授武職旋應募高醵歷著戰績加都司銜以守備用飛龍自奉儉所得資糧恆有餘鄉人往訪必厚贈之幕中僚友咸肝膽相託六合令溫綸湛聞其名招之往與語奇之保陞參將及城陷與溫同殉溫建專祠飛龍從祀焉

袁增字野漁文炤子翼弟吳淞營外委咸豐三年粵逆東竄大府檄增帶本營兵赴鎮江防堵賊至衆寡不敵力戰陣亡事聞 卹贈雲騎尉世職族孫寅字地觀咸豐六年上海營藍翎守備王增貴防守玉山招入營中襄辦文案賊至與王同殉

金殿邦居羅店武生咸豐三年粵逆劉麗川踞上海殿邦投

營效力臨陣不避鋒鏑三受重傷以外委記拔四年十二月三十日殿邦夜挾雲梯薄城而上手刃數賊中鎗陣亡奉旨賜卹賞雲騎尉世職

朱芾居高橋國學生奉委募帶水勇出洋捕盜繼以海運出力授同知加知府銜咸豐十年粵匪陷蘇郡上海知縣劉郁膏招同剿賊屢著戰功及浦東戒嚴奉飭添募義勇變產助餉力佐官軍收復柘林南匯川沙等處枕戈露宿積勞病亡奉旨加贈道銜以長孫承廕州判子其昂見循良傳

陸京字山峙豫弟附貢生署安徽甯國府通判咸豐十年賊竄甯郡襄辦防堵事沈靜有大智大吏深倚重之奏加鹽運使提舉銜守城七十餘日不辭勞瘁當賊勢猖獗時語同僚

寶山縣志

卷九

忠節

空

曰吾輩任國家事非一死所能塞責然臨陣逃避吾弗能也及城陷死之年四十二事 聞奉 旨照五品官殉難例贈道銜廕一子入祀太倉昭忠祠

陸兆麟字子祥京從孫六品銜署安徽和州牛屯河巡檢咸豐十年賊犯皖北兆麟在廬州率勇禦賊力戰陣亡年三十八事 聞 賜雲騎尉世職祀太倉昭忠祠

屠守基居邑城西門外由監生援例授浙江象山縣石浦巡檢咸豐十年甯紹台道段光清委解溫高老廣艇船三隻前赴江甯焦山大營交卸獎給六品頂戴十年十月因郡守札調驗看畱郡差委未幾逆賊陷甯郡守基奮勇禦賊力竭遇害同治十三年請卹

石雲龍字霖蒼居江灣州同銜爲人慷慨能任緩急咸豐十年董團防事十一年十二月賊踞大場窺江灣雲龍請撥勁旅進剿當事不聽未幾賊至雲龍督勇逆擊相持間賊從牛郎廟抄襲其後衆寡不敵勇丁李四陳思振團局司事張炳文陳淵皆死之雲龍被重傷昇至上海翌日死 賜雲騎尉世職

沈飛鵬原名方諧居北川沙八品職銜精拳勇咸豐十年十一月粵逆竄擾四鄉飛鵬率衆力敵楊家橋賊不得渡頃之衆潰賊大股飛渡四面攻圍飛鵬持刀力戰柄忽折中傷仆地賊斫其首弗殊越日收其屍埋之面如生 詔贈國子監學錄銜子愔襲雲騎尉同時戰歿者趙信忠張度王大隆李

寶山縣志

卷九

忠節

三

茂廷趙之奇王鍾嘉鍾嘉另傳

王鍾嘉字孔侯居羅店幼有異稟讀書能文咸豐十年五月賊陷嘉定鍾嘉潛約同志成一旅旋復散去會鄰村沈飛鵬等糾集千人屬鍾嘉統之掩賊不備焚其巢殺賊數人七月擊賊楊家橋中鎗死年僅十七嘉定張浩誌其墓

陸源發字商年居大場爲練總十年七月二十六日賊冒雨驟至源發率衆拒之爭先奮擊爲賊所執脅以刃不屈罵賊死

朱錫元國學生居羅店奉縣檄團防時賊踞羅店之東北鄉土匪某素知其有勇力說之從逆錫元峻拒不納一日賊乘夜率數十人執至賊窟不屈死

楊寶鑑字衡甫國學生居大場幼失怙恃事祖父甚孝生平喜吟詠咸豐十年七月賊虜至寶鑑扶祖父出走遇賊衝突兩相失賊執之脅其從罵不絕口遂被害

支淇居羅店有勇力咸豐三年投營効力嘉定令丁國恩上海令劉郁膏先後使為民壯教習後劉以保護有功賞給營千總管帶定勇駐兵野雞墩十一年五月賊猝至中鎗陣亡年四十一

喬榮奎居高橋咸豐十一年十二月聞警挈妻子奔避不及榮奎擲子於地子死扼其妻喉妻亦死反身與賊鬪羣擊之榮奎手擒一賊且搏且走賊死而榮奎踣於地羣賊以刀刺其口血噴賊面張目握拳以死

寶山縣志

卷九

忠節

三

胡銘書字芸卿居高橋議敘鹽知事性爽慨樂善好施咸豐十一年團練禦賊十二月賊自川沙至力竭被戕年四十八姪燾同時遇害一門殉義者五人請卹奉 旨世襲雲騎尉

沈斌字貴華居高橋國學生議敘八品銜性沈毅明戰守大畧咸豐十年七月上海告警縣令劉郁膏檄使教習練勇坐作進退悉如法擊賊於七寶諸翟廣富林等處屢立戰功保舉五品軍功 賞戴藍翎同治元年率民團守浦東塘橋鎮

郇膏嘗稱為忠義軍正月十六日賊數萬至塘橋斌督陣揮勇往來衝突殺賊甚眾未幾賊騎虜至四面蹙之遂戰歿

錄

昭忠

徐必昌國學生同治元年四月三日官軍克嘉定必昌與諸

生朱炳糾集義勇堵剿二十一日賊復攻嘉定必昌率衆拒戰被執脅降不從死炳亦遇害

昭忠錄

下維清居月浦業儒年少知自愛常以格言勸導鄉人同治元年四月被賊擄至船中夜乘賊熟睡刺死二賊躍水伏蘆葦中遁歸八月二十八日賊又至維清扶叔母出避與賊遇賊識之斷右足指盡落罵不絕口而死

昭忠錄

莊夢周居大場同治元年七月賊竄大場淫掠倍至夢周率衆追之殺三賊餘遁去招其黨復至夢周大聲辱罵又殺二賊賊環而擊之洞腹出腸而死

昭忠錄

鮑承泰吳淞營外委咸豐十年十一月擊退小沙背賊以功補頭司把總領兵百名防堵陳家巷同治元年四月二十一

寶山縣志

卷九

忠節

裔

日賊襲邑城圍攻陳家巷承泰奮勇拒戰中鎗陣亡 賜雲

騎尉世職

李榮紳原名同輻字貫伯僑居崑山鈞載子年十二操筆爲文卽有法度甫冠與弟同文同補諸生旋食餼咸豐二年貢成均省試二十一次志不少挫年六十餘猶攜孫貫孫作白下遊同治元年四月遇賊不屈死年七十一貫孫字學白年十七以詞賦受知學使者補諸生後由附貢考取 國史館

膳錄議叙縣主簿亦以罵賊被害於崑山之韓村

徐克明字峻德居城由行五積功游陞至蘇松鎮中營守備咸豐 年奉大府檄帶拖疊戰船會剿鎮江金陵粵匪擊賊三山江面提督向榮奏加都司進攻蕪湖追賊西梁山魯港

斬獲無算 賞戴藍翎復帶拖督船攻賊泥汊河補掘港營
都司陞遊擊十年攻破梁山烏江金陵下關瓜步賊壘 賞
換花翎同治元年署狼山鎮右營遊擊旋因揚境肅清保陞
參將加副將銜尋補蘇松鎮中營遊擊二年漕督吳棠以迭
獲勾賊要犯奏請以副將用調福山鎮左營遊擊三年二月
賊犯石城港因眾寡不敵被害事 聞照例 賜卹廕騎都
尉世職

殉難紳士兵民 附

張標 武生松江營六品藍翎 方顯揚 吳淞營千總 王長春 吳淞營把總 東梁山陣亡

唐永春 八品銜率團拒賊陣亡 顧國和 監生被脅不從死 王純如 八品銜 張雲

寶山縣志 卷九 忠節 奎

生 從九銜練 孫寶森 字小齋 馬桂生 八品銜與 顧應熙 從九銜

賊死 鮑文煥 監生 錢文明 武生 徐世鎬 諸生 率團禦賊殺 賊 十餘人 斃 歿 九

王壽椿 九品 嚴受豐 諸生 金仁麟 字士良 被 胡鍾琛 浙江 試用 從九

殉難 沈文樞 州同 銜 高橋 遇賊 與 陸文錫 字枚生 八品 李

華鳳 八品 顧恩祿 字襄倫 九品 戴錫壬 生 徐文鴻 武生 黃燮

字理 陽 朱元煜 附監生 被 金日溶 諸生 趙之秀 八品 銜 賊 撲 武生 陽 執投水死 金日溶 諸生 趙之秀 八品 銜 賊 撲

亡 胡樹棠 八品 沈兆曾 九品 銜 被 嚴坤元 九品 銜 李傳經 九

銜 潘惟濤 從九銜 受 徐開泰 監生 賊 撲 縣 施福祚 監生 譚國

華 監生 朱心一 傷後死 王國光 諸生 胡秀琦 八品 銜 被 擄 潘玉

珊 監生 陳錫祚 九品 銜 沈培之 諸生 馬賊 李鍾秀 九品 銜 錢秉璣

從九銜 鍾俊彥 八品 銜 辛慶揚 武生 鍾鶴鳴 武生 胡天禪 六

功軍

林德昌 徐俊林 趙玉林 浦世祥 李雲鳳 顧

榮 楊元 陳懷德 曹顯廷 朱安瀾 曹世恩

謝德順 陳壽生 莊大隆 劉正標 王一元以上鎮江陣亡

徐惠蘭 朱貴 胡維則 胡阿大 潘秀 陳

士榮 潘阿美 錢屢 毛守成 羅雲 楊廷方

楊勝寶 楊富觀 王錫三 王南榮 周振 侯

瑞新 林秀 金秀榮 金占庭 金裕成 金旭廷

金香巖 金勝摩 金坤揚 金東海 金靜山 甘

漢祥 甘鳳年 甘瑞和 甘茂方 甘寶和 甘仲興

甘玉山 李大昌 李桂芳 李新 許東 杜

寶山縣志

卷九

忠節

奕

新 沈顯 邵長慶 陸振榮 薛殿興 薛德三

郁建章以上玉陣亡 兀玉芳 兀茂方 王第 王文

俊 吳嘉惠 吳彥榮 吳錦華 吳士玉 蘇得祿

蘇鳳章 桂步蟾 曹世榮 朱恩 沈頤堂 方兆

祥 劉東岡 徐方來 孫爾曾 陳雲海 顧文彬

金殿榮以上東梁陣亡 馮泰臨 馮紹周 徐士德 朱錦春

朱兆清 胡士邦 胡敘奎 吳賢泰 吳泰忠 蘇

國華 蘇得富 曹允昌 曹定邦 楊國英 何兆麟

王啟瑞 王思美 王勇 王德全 王大春 湯元

成 黃應昌 劉春芳 周貴芳 周永清 周勝宗

周貴全 林永昌 金煥章 李錫寶 李茂芳 浦成

龍 馬安國 沈永清 宋得勝 顧貴榮 陸勝宗

萬瑞珍以上嘉定陣亡 李復垣絕食死 浦學洙率團拒賊中火鎗死 徐

起彪 陳振荃 陳位 陳桂和 陳秀 錢楚珍

張寶 王廷 程輔相 周鉉照 嚴秀成 莫

本希 蔣松會並團丁 朱堂奎 黃傳年 陳鶴顯 殷

世南 沈三 沈三官 蔡畊孫 蔡大 戴耕

黃仲芳拒賊受傷 黃正方以杖擊賊 顏振裔被執自縊賊怒斷其首

黃松年 許鵬飛子百林同死 許咸和投河死 蔣心堂投河死

歸福錦 歸仁山 徐百福 徐元發 徐勝 陳

瑞 秦三貴 潘有甫 曹春榮 曹善德 楊聖南

張榮九 張節清 張協順 張佩卿 張九思 張漢

寶山縣志 卷九 忠節 卷九 忠節 卷九 忠節

明 張德昌 王啟泰 王老土 王萬寶 王玉山

王位三 王象賢 朱球文童 黃新丁團 曹仁溢

楊三林 王士珊投河 沈良方投河 趙登大塔執至白投河 顧

慕萱受傷投河 朱義 張雲鶴 唐國泰 程上達 周

海 沈欽 顧惠文並投河死 趙鉞扼吭死 趙初方

登大子救父被毆嘔血死 陳季士 徐木寶 蘇金和 陳有年

陳錦春 錢海金 王秋元 金士 沈景相 陸

士 殷象山 殷大中 殷嘉璧 殷小 陳紀綱杖以

擊賊 鮑世珍 辛鳳岡 陳星年 秦茂坤 潘在田

潘洪盛 徐國藩被執脅授偽職服毒死 王海金 蔡安中

張振邦丁勇 謝耀勇丁江橋被害 馮四明 陳海龍 陳振

邦 姚炳南 楊載成 張玉華 張其祥 周耀明

趙紀堂 陳小狗團 沈萬全 蔣阿弟 朱日照 姚

顯 唐 桂 李敬恭 李五泉 滕小寶並被執遇害

周 方被罵賊焚 楊家寶 王大炳 黃金榮 朱 四

朱鳴岡 陳友祥被執自刎 陳受金被執焚死 俞銀全 劉位

中 劉玉成 周 土 李和尚 許佩卿 陸允章

陸錦雲 陸 構並投河死 俞滙川 金逢源並罵賊被焚 蔣

士明子阿寶同殉 陳耀明 高 元 張月芳 王 義

金文淵 李恩溥七十歲 李晉階 沈家發 馮寶林

支大天 支二天 徐小貓 朱大經 胡大經 蘇士

元 倪洽泰 俞天和團 劉三畏自縊 陳文冥同子被害

寶山縣志 卷九 忠節 突

陳金明 姚秀卿 黃錫年 劉 二 沈 三並團勇

黃 春高橋被害 徐 春 朱星元 吳銀和 姚景馮

楊 茂 張 寶 王貴生 葉桂嘉 李了頭罵賊焚死

周桂泉拒賊受傷 錢律元 侯士明以杖擊賊 張 勝全家被害

鍾秀階罵賊被焚 吳文達 袁承謨 張維雋 張永加

張松間 莊裕華 黃德潤 黃敦道 黃紹周 周景

春 侯萬和 侯明達 侯 龍 沈佩玉 顧全大

蔡應秋 陸鳴岡 郁廷秀 狄 洽 張坤德救父維雋被害

鄒步雲 萬 昌子二泉與父同被執奪刀殺賊死 陳永春童文 錢

書巖文童罵賊投河 陳 春 陳士春 王景萊 王維梅

金 南 趙桂卿 朱學禮 王朝昌 沈元良 程玉

振力鬪 王江林子棣榮同被害 盧卓亭 盧春階 盧彩金

湯學詩 張錫堂同女五姐 張國華 薛木 顧雲美

被通趙鶴被執投河 張占受傷投河 高用範被執焚死 唐

發罵賊割舌 張勝宗 程瑞祥 馬琛來 錢其震 王

天福 湯若愚 江小寶 施江城 施福受 徐繼宗

朱天壽 蘇木 陳謙益 陳國昌 陳朝大 陳

玉庭 沈龍山率眾擊賊中火鎗死 侯良臣並團丁中火鎗死 李承炯

朱鳳祥 須福 陳四 王明華 汪明 李

奔廷 陳善根 陸積寶 陸寬大並格鬪死 楊友材自溢

陸貞吉被通投河 羅勝金 楊百全並投河死 胡炳文自溢 張

寶金罵賊被焚 顧坤 盛虎南並被焚死 張上達 張福元

寶山縣志 卷九 忠節 究

金慶樞文童不屈拷掠死 程永良服毒 鄭吼雲投河死 金春

林 吳崑玉 陳軒 陸顯並投河死 徐振凡 符鳳

加 胡兆龍 吳漲南 陸萬金 陳老玉 陳洪

潘 大 潘桂堂 錢金泉 姚聖元 楊德山 張進

德 張聖 張學山 張永材 張耀池 莊永池罵賊

死 陳土 黃金用 沈弟並團丁 陳火泉 楊士

來 黃和 黃玉龍 黃葉青 黃松年並拒賊死 朱小

寶 朱積億 陳五 秦煥 王奎 盛坤和

盛 五 黃玉鳳並投河死 童國溪 雷小 金秀

沈士林 胡全 黃榮 陸萬全拷掠死 戴奎華

張仲華 黃夢齡 蔡鑑文童 辛文郁慶揚子 楊大

受傷投河死

鍾正

鍾臣弟

鍾了頭

徐繼堂

同子發

徐美五

朱福五

朱浩然

胡了頭

陳瑞華

孫遇

春曹

張孟興

莊義

康顯

劉少屏

周雲三

侯參文

侯二和

金裕章

任洽章

嚴振

心嚴華帆

嚴在龍

嚴靜

董庭榮

李元發

李貞

許德嘉

管方城

馬景仁

夏仕秀

范

狗戴南勇

印明

陸桂榮

陸松林

陸成章

徐善觀

字振

陳錫章

陳子陶

姚顯章

姚士俊

楊載功

楊桂林

張南軒

張茂泉

張

華張新寶

張甯貴

王小亭

王振綱

王兆林

王念三

黃永芳

嚴高鳳

許南雲

沈占香

顧

寶山縣志

卷九

忠節

辛

坤蔡福祚

陸世榮

陸源達

朱大

俞廷坤

黃士清

黃春榮

周士忠

范天錫

傅春

楊繼

生楊紹裘

王召林

迮金勝

任先賢

李寶和

李晉階

徐永盛

須金

朱照

徐日思

徐景

春錢克俊

錢德明

楊義

楊世英

張金榮

滕作霖

滕步繩

滕明治

滕嘉順

滕坤和

周繼

宗譚如珍

嚴德清

趙偉才

鮑玉珍

夏榮魁

沈繹雲

沈熊飛

顧耀章

鄭煥若

朱和上

吳景

揚陳克俊

毛德三

何際昌

周庭

嚴大

顧錫堂

被執至蘇州不屈嘔血死

劉星衛

徐正長

何朝珍

楊

木張佩玉

金振遠

秦秉鈞

周陸卿

被執縋城赴水死

朱秀忠洪號 朱秀宗冬號 沈明州 方德祖 顧錫寶

朱正大 朱文魁 張四金 朱大振 王立方 侯

善全 須虎寶 楊錫章 陸 幹 王春和 曹廣堂

沈國棟受傷死 姜和尚 陳毛小 陳 肖 顏桂林

陶福天 楊茂嘉 楊 世 楊繼賢 楊長清 楊

鳳春 張鳴臯 張 木 張立綱 王大福 王葵典

程勝芳 劉助金 劉漢賢 劉小狗 周 虎 沈

顯廷 顧傳生 顧星元 顧亦經 顧 占 蔡 茂

盛世寶 盛 寶 陸百福 陸旬豐義 滑高順

薛有年 朱奎元 孫克勤 鄭雨田一作鄒 劉壽松

陸克昌 陸 松 錢德明 毛心傳 毛松濤 馬柱

寶山縣志 卷九 忠節 圭

海 沈 茂 郁 寶 張 五 陳殿芳 袁振家

方祖德 顧汝勤 俞佛運 楊茂中 黃阿弟 趙金

全 沈榮昌 沈會成 馮嘉會 鍾 凱 徐 盈

徐鳳山 孫君榮 孫繼英 楊英英 張 尙 張季

嘉 黃文熠 黃敬修 黃炳堂 唐 三 嚴贊功

李 發 李小庭 買和尚 沈 五 李 炳 范和

尚 顧振先 蔡象春 蔡秉勤 戴宗祁 陸 寬

徐錫蕃絕食死 沈宗美絕食死 全胡銘書僕受傷 秦秉水

絕食 沈承基腹 陳繼林 李 小 姚廷棟 曹 桐

同子 高海和 楊永祥 張士雄 王錫來 王源泉

松 王天香 唐勉經 唐發桂 汪 埴 周茂園 許

春麻 趙載 趙欽若 趙桂松 沈海宗 沈天儀

顧洪遠 桂斐章 桂金和 鄭和尚 繆學 陸

物 陸二寶 薛度 薛筱 潘炳 龔式玉

遲永安 朱殿方 胡杏卿 宣三寶 柯義寶 何

應淇 張百林 唐宗臣 程惠疇 譚贊成 沈雲南

顧緒東 顧詒謀 薛邦彥 徐萬坤 蘇顯明 陳

雲錦 張作梅 莊雲溪 趙康保 趙康安 管良璞

錢構郎 朱積寶 陳坤寶 宣榮椿 王士金 王

大鏞 王振揚 王雲行 唐錦明 程坤寶 凌敘成

劉四 嚴寶 嚴明道 李茂春 李筱 左

欽若 陸士卿 陸成章 滑榮 張狗 鄭秉良

寶山縣志 卷九

忠節

圭

張和貴 杜桂芳 胡蔚芳 劉明德 擄掠死 張德昌

王國成 譚元吉 侯旭明 侯方表 罵賊斷舌支解 侯福

全 李長庚 李茂興 馬懷貞 沈大中 沈義

薛正興 陸文奎 馮木 王木金 汪丕濤 顧江

虎 陸慶冠 吳小弟 吳松 潘春寶 王小二

程步 陸和尚 莊土 許引真 郁煥章 脫成

孝 錢錦文 張廷佐 王珍美 滕本仁 金四

楊列星 黃得銓 黃妙 沈裕文 沈位南 沈彥

甫 沈全漢 盛和尚 徐錫康 高元益 金茂廷

沈協卿 柏洪遠 蔡達邦 擄掠死 朱廷貴 湯國祥

周學文 張行發 黃寶儒 黃瀛洲 程信恩 凌秀

粟 劉名烈 同子 周老了頭 同子 周文炳 沈

邵 顧雲彩 顧 二 傅張岐 傅 茂 傅協中

蔡聲昭 戴寶成 戴順行 陸士雍 瞿寶登 黃徵

信受 孫鴻儒 流寓 莫本鑫 安徽黟縣人 葛純泰 浙江慈

月浦受傷 龔 二 嘉定人 外蘭亭 傳悅 興聖寺僧

死 練祁死 龔 二 嘉定人 外蘭亭 傳悅 興聖寺僧

以上俱詳載昭忠錄凡文職五品武職四品以下及貢監

府城昭忠祠餘入祀忠義孝悌

吏部議奏為遵 旨議卹彙奏事查定例文職陣亡人員

二品以上照參領以下有頂戴官員以上例議給雲騎尉世

職襲次完時一領以體給與恩騎尉世襲罔替又例載殉難官

冊侯銓內洋內何漂沒者減等廕贈軍營病故人員照內

寶山縣志

卷九

三

洋內河辦理各等語又臣部奏定章程內開從優議卹人

員按現任官階加一級議給世職其限於例而不能越級

辦理者除議給世職外比照歿於王事人員之例各按官

階給予贈銜等語又殉難人員查照定例給予廕贈如奉

旨卹奉 旨交部議卹者陣亡例予世職又議給贈銜各

官有由現任官得例仍升銜者即照升銜例辦理其由軍功賞

給翎頂者不在例內仍按世職例辦理在案今據

安徽等省先後奏請從優議卹及已經議卹分別議卹之陣亡殉難

病故各員除未經聲敘及已經議卹之員並應得旌典之

男婦另行查明辦理外應請將故員試用知縣李世照等

二九十九員議給世職給與廕贈謹繕清單呈 御覽至各該故員應得卹賞銀兩俟 命下之日臣部

黃學中

軍功遊擊銜陣亡 王士榮 許清泰 諸生率

趙奎緒

銜九品 麥尙敬 武生被擄至嘉定 徐東溪

監生被擄

遇害 趙奎緒 銜九品 麥尙敬 武生被擄至嘉定 徐東溪

孫雲山 馬元成男 張慎卿 張協卿 張雲泉俱

張標同 李茂春飛熊族子 王寶官 金道山 甘洪年

陳洪年 侯新官並玉山陣亡 陳紀常練勇 施聖凡 李才

官 杜永發 杜阿苟 歸阿海 印金堂並團丁被盜

如 浦金福 陳小茂 李夔隆同弟 劉桂元 李士

榮被擄至常 周志仲率團拒賊 周金桂 王昭南 張景

明 張茂周 張積勝 張發官 許乃發 許景宣

嚴四寶 侯金海 王惠三 吳長官 侯漲福 浦明

順 浦士敬 浦鴻儒 楊德三 陸鳳山 張勝成

李長官 徐勝廷罵賊梟首 沈大官 沈士林 王萬成

湯永金 夏成秀 王正岡 席景高 楊福廷 姚士

寶山縣志 卷九 忠節 善

傑 嚴子卿 嚴德 高錫蕃 高維城 陳理堂字

齋精 沈忠義 龔應熙 龔應龍 趙顯慕 俞清成

陸廷相 陸大官 唐土成 徐必大 徐新盤 王

廷相 孫士寶 顧地官 楊克勤 朱協中 嚴瑞璜

陸茂元 王源泉 金德正 陳式丹 吳秀文 嚴

錦章 金桂芬 高元杰 顧大椿 徐萬祥 金國賢

陸廷瑞 陸天壽 朱仲元 李海官投蘆藻河死 戚世

昌 徐天德 徐晉字淡 印奎垣字星 徐大奎

蔡汝鑫 黃光明 陳某高橋 錢雲桂 錢雲榜 錢

鈞奏 錢鈞昇 錢鈞仁 錢若雲 李鍾墉救母被賊 嚴

望魯被賊毆辱自縊死 朱詒德貢生慶恩子 張寶國鬪死 李傳經

朱 謀被賊毆辱 張二苟 李士官 王經奎 黃

都官率眾拒賊被執 蔡渭觀追賊至江灣被殺 陸泰和冒病拒賊

斷頸 孫在元 曹麻全 孫關金性孝友擄至嘉定罵賊剖腹死 奚

錦芳 海官孫氏家丁 孫火生奪刀被害 徐煥官鳴鑼拒賊

被誅 黃龍官 張勝寶 黃斐章 陳洪道 張天章

潘佛官 潘大成 周弟官 陳茂忠 李小官 葛

貴官 陳金泉 楊木官 潘在田 張德行 嚴乾寶

陸茂官 雷大官 范苟官 李長庚 張廷佐 葉

萬成 葉正塘 陳萬金 張協潤 顧少卿 陸大榮

郭寶官 李渭源 曹六官 孫悅民 蔡海 沈

榮榮 黃福金 陳坤龍受重傷死 以上未詳報

寶山縣志 卷九 忠節 三



